

Adeni ya Setaani
Jeffersonville, Indiana USA
Agusito 29, 1965

1 Leka tukoteke emitwe. Ai Katonda, tuli basanyufu nnyo gy'Oli ku lw'omukisa guno ogw'amaanyi leero, okujja nate mu Linnya lya Mukama waffe Yesu, okusisinkana omulabe waffe, era omulabe wo wabweru wano mu kifo ky'olutalo; awamu nekigambo, tumugobe mumasekati g'abantu bo; nti basobole okulaba, olwa leero, Mukama, Ekitangaala ky'Enjiri. Nsaba nti amaaso gaffe Ogasiigeko eddagala, gasobole okubikkulibwa eri Amazima; nti tusobole okuva wano, nga twogera mu mitima gyaffe, "Emitima gyaffe tegyabubuuse munda mu ffe bwe Yabadde ng'Ayogera naffe nga tuli mu luguudo?" Wonya abalwadde n'abanyigirizibwa. Zzaamu amaanyi abaweddemu amaanyi. Yimusa emikono eminifu egibadde giri wansi. Leka tutunuulire okugya kwa Mukama waffe Yesu, kwetukkiriza nti kuseembedde. Tusaba kino mu linnya lya Yesu. Amiina.

Musobola okutuula.

2 Nja kugezaako okuyita mu bufunze olwa leero, kubanga mmanyi bangi muvudde okuva mu bitundu eby'enjawulo eby'eggwanga lino, oku. . . mu lukuŋjaana luno; oba mwa ssuze wano, abamu ku mwe, era mulina okuddayo, oba oly'awo mu ngeri ez'enjawulo okuddayo. Era mbeebaza. Amakya ga leero nnabaddne njagala okuwulira okuva eri ow'Oluganda Neville, nze kennyini. Era muwulidde emirundi mingi, naye ninga atamuwlirangako wadde n'omulundi n'ogumu naye mmwebaza. Wabula amakya ga leero, olw'Obubaka obwo obw'ekiseera, mmanyi nti nnabaddne n'okukulemberwa kwa Mukama okuwuliriza ekkyo amakya ga leero. Kirungi nnyo! Era nkiraba Iwaki bantu mmwe mwagala okujja ne mumuwuliriza, nate. Era ajja kubakolanga bulungi, ndi mukakafu, okumuwliriza.

3 Nnabaddne ngezaako okutuuka mu budde eri okubuuzibwa kwange okumu olwa leero; amakya ga leero ne mu ttuntu lya leero. Nkyalina kungi nnyo nnyo nnyo okw'okugendamu. Era nze. . .

Nga, bwe nzikiriza, yali Yesero eyagamba Musa nti olumu, n'amugamba nti, "Bino nga bikususseeko." Naye, wano tulinawo ab'oluganda bangi abasobola okukuyambako mu kizibu kyo. Era buli omu ku bo abadde mjesigwa, era waliwo ebintu ebirungi ebyetaaga okulabirira. Era nandisembye omusumba waffe, oba ow'Oluganda Mann, era n'abawereesa abalala abo mu kukiriza kwaffe wano. Musobola okugenda gye bali. Bajja kubagamba ekintu ekituufu ek'y'okukola; abantu abamu, abaana baabwe; okuwasaŋjanna, oba ebintu ebikyamu. Era abasajja bano bajja kubayamba mu ngeri y'emu ng'omuntu omulala yenna, kubanga nabo bawereeza ba Kristo. Era mugende gye bali, era ndi mukakafu nti bajja kubawa obuyambi bwe mwagala. Sisobola kutuuka eri buli ssekinnoomu. Bangi nnyo, buli wonna w'ogenda. Babeera beyongerako nga bwe beeyongerako, olaba. Kyokka ate obeera oyagala otuuke ku buli muntu, naye tosobola kukikola. Naye buli kiseera mbeera nsaba nti Katonda, mu ngeri yonna, ajja kukikola bulungi eri buli omu ku mmwe.

5.

4 Kaakano, olwa leero, njagala tugende mu Byawandiikibwa, era tusomeyo ekitundu ek'y'Ekyawandiikibwa okuva mu Lubereberye, essuula ey'okusatu; era twejjukanyeemu katono ku bimu bye tubadde twogerako, mu biseera ebiyise, era tulabe oba nga Mukama Yesu Ajja kutuuwa ekisingako ku ekkyo kye tujja okumany we tunaafulumira ebweru. Nsaba -nsaba nti Ajja kukikola.

N'omusota gwali mukalabakalaba okusinga ensolo zonna ez'omu nsiko ze yakola Mukama Katonda. Ne gugamba omukazi nti Bw'atyo bwe yayogera Katonda nti Temulyanga ku miti gyonna egy'omu lusuku?

Omukazi n'agamba omusota nti Ebibala by'emiti egy'omu lusuku tulya;

Wabula ebibala by'omuti oguli wakati mu lusuku, Katonda yayogera nti Temugulyangako newankubadde okugukwatangako muleme okufa.

Omusota ne gugamba omukazi nti Okufa temulifa. Kubanga Katonda amanyi nti olunaku lwe muligulyako mmwe amaaso gammwe lwe galizibuka, nammwe muliba nga Katonda okumanyanga obulungi n'obubi.

Omukazi bwe yalaba ng'omuti mulungi okulya, era nga gusanyusa amaaso, n'omuti nga gwa kwegombewa okuleeta amagezi, n'anoga ku bibala byagwo n'alya, n'awa era ne ku musajja we naye n'alya.

Amaaso gaabwe bombi ne gazibuka ne beetegeera nga bali bwereere; ne batunga amalagala g'emiti ne beekolera eby'okwambala.

5 Leka Mukama Agatte omukisa Gwe ku okusoma kw'Ekigambo Kye. Kaakano nandyagadde okutwala ek'y'okuyiga olwa leero, okuva mu ekkyo, era nkiyite: *Olusuku lwa Setaani*. Kintu ekitasanyusa kwogerako, *Adeni ya Setaani*. Kikwatagana, ku kiro kya Sande eyise, nzikiriza, bwe nnali njogera gye muli ku Akasengejja k'Omuntu Alowooza, era okulegako kw'omuntu omutukukirivu.

Era ebiseera ebimu ebiambo ebitasanyusa bino bibeerako kye bitutuusaako; bituleetera okuyiga, era ne bikuteeka mu kusoma Ekigambo. Era ekyo kye njagala ekibiina kyange kikole. "Omuntu tabeerenga mulamu lwa mmere yokka, naye na buli Kigambo ekiva mu kamwa ka Katonda." n'olwekyo, musome Ekigambo; mukiyige. Era mukiyige n'amaaso ga Katonda, okuwa amagezi gammwe okutegeera engeri gye mulina okubeerawo mu nnaku zino ze tulimu.

6 Kaakano okuserengeta, olwa leero, okwogera nammwe, "Kale, nnyinza okukola kino oba kiri, . . ."

Njagala okwogera n'abantu, nga bwe nandyagadde okugenda na buli omu ku mmwe mu maka gammwe olwa leero. Katonda amanyi nti ago ge Mazima. Nandyagadde okugenda na buli ssekinnoomu ku mmwe ewuwe, era - era tulye eky'enkyo awamu naawe ku makya, era - era - era tugende wabweru eyo tuyigge kaamujje fembi akawungeezi k'enkyo, mukiraba. Nandyagadde okulaba ekyo, naye sisobola ku kikola. Era nandyagadde okugenda awaka tutuule wansi njogere naawe; tutuule ku kabalaza oluvannyuma Iw'olukunjaana, era njogere naawe okumala akaseera, njogere naawe ku bikwatagana ku bulamu bwo era ne ku Katonda. nandyagadde okukola ekyo. Ba ssebo ne bannyabo abali wano; Katonda akimanyi nti nandyagadde okukikola ekyo, naye sisobola ku kikola. Okiraba, waliwo okwesika n'okukoowa.

7 Era - era mu guno omulembe ogutiisa gwe tulimu. . . era nange ndi muntu mutiitiizi, nze kennyni. Olwa leero nnina kye nnasazeewo, "nnina okukikola," era enkyo kakadde kalamba aka mayiro gyendi; waliwo ekiyigidde era ne kikola *kino na kiri*. Era olina obudde, okugezaako okusalawo obulungi.

8 Naye ekisinga obukulu kye ntuuseeko kwe kubuilira Enjiri nga mpita mu Kkanisa, era n'okukola kyona kye nsobola okuleeta ekitiibwa eri Yesu Kristo mu nnaku zino, nga nkyali wano ku nsi, era n'ekiseera kye nsigazzaayo ku nsi. Nzize okugezaako okubaako ne kye mbagamba ekijja oku bayamba; ekintu ekimu. Kye nnayize bwe nnabaddde nga nzizeeyo eka amakya ga leero. "Mukama, kiki kye nnyinza okwogera olwa leero, ekinaasobola okuyamba abantu abo?"

Nga mpuliriza Obubakka obw'amaanyi amakya ga leero obu. . . ow'Oluganda Neville bwe yatuleetedde, obukwata ku . . . nnalowoozezza nti kyabadde kirungi nnyo, engeri eyo gye yayogeddemu, "Omusawo asobola okukebera ensonga; naye omusajja ajja n'akasowaani akajjudde empiso, n'akukuba empiso." N'olwekyo nnalowoozezza nti ekyo kyabadde ngeri nnungi ey'okukinnonyola. Nakirowoozezzaako, "Omusaayi ogwo, nga bamazze okugukebera." Kaakati ekyo kirungi.

9 Nnayagadde okubaako kye njogera gye muli, okubaako kye mbaleetera okwongera okubatangaaza ku kisuubizo kya Katonda eky'omulembe guno. Mulaba? Ekintu ekimu, nga si ky'ekintu omuntu omulala kye yali mu nnaku ezaayita, naye ekintu. . . era nga . . . ebintu ebyo bwe biba nga birungi; fenna tujuliza eri ebintu ebyo. Naye nnalowoozezza nti nja kugezaako okubaako kye ndeeta eri ebirowoozo byammwe, n'Ebyawandiikibwa bye nnawandiise wano, ebija okubatangaaza, mumanye, kibafuule abajaasi abasingako mu kifo we mulwanira kaakano; muyige obukodyo bw'omulabe, musobole okuziyiza ebintu byonna nga tebinnabatuukako, ndowooza mukiraba. Ekyo ky'ekintu ekisinga obukulu, kwe kuyiga okwewala okukubibwa ebikonde nga bwe kisoboka.

10 Kaakano, leka tutunuulire ekintu kino eky'amaanyi . . . okumala eddakiika ntono, eky'amaanyi kino, ennaku ez'ekibi ze tulimu kaakati. Ssikkiriza ova nga waali wabaddewo ennaku ze nnali nsomye mu byafaayo. . . waali wabaddewo ennaku ez'okubonyaabonyezebwa okw'amaanyi, ng'abaana ba Katonda bwe battibwa mu buli ludda. Naye okulaba obulimba bw'omulabe, tetubeerangako na nnaku nga zino ze tulimu olwa leero. Z'ezisingamu obukalabakalaba, ennaku ez'obulimba. Era bwe ndaba ekyo, kindeetera kino, nti, Omukristaayo alina okubeera ku bunkenke olwa leero okusinga bwe yali abadde mu mulembe gwonna.

11 Kaakano, nga tuzzeeyo mu nnaku z'okuyigganyizibwa, okwe Ruumi, eri Ekkanisa; Omukristaayo bwe yakolanga ensobi, baamutwalanga mu kisaawe empologoma ne zimulya ova ekintu kyonna ng'ekyo, bwe baamuzuulanga okuba Omukristaayo olw'obujulizi. Naye emmeeme ye yali erokoleddwa, kubanga yali mukkiriza ddala mu Katonda atajaabuluddwa, era mu ssannyu n'Ateeka envumbo ku bujulizi bwe n'omusaayi gwe. Ng'emisuwa gitadde, ova ebituli mu mubiri gwe, era omusaayi ne guyiika, yaleekananga nnyo n'okukkiriza okw'obwesigwa okwannammaddala, era n'agamba nti, "Mukama Yesu twala omwoyo gwange!"

12 Naye, kaakano, obukalabakalaba bwa Setaani, buleetera abantu okukkiriza nti Bakristaayo nga tebali. Eyo y'ensonga. Teweetaaga kuteekako Nvumbo. . . ennaku za bukalabakalaba nnyo okusinga bwe zandibadde, okusinga bwe wali olina okuteeka Envumbo ku bujulizi bwo olw'okuggyawo obulamu bwo. Setaani ataddewo buli mutego ogw'obukalabakalaba gw'asobola okuteekawo, oku . . . ye mulimba. Era Yesu yatugamba, mu Matayo 24, ennaku zino ze tulimu bwe zija okubeera, ennaku ezisinga obulimba ezaali zibaddewo, "Nga kisobola n'okulimba Omulonde wa Katonda yennyini ova nga kisoboka."

13 Kaakano leka tugeraageranyeyo Ebyawandiikibwa wano, ova obunnabbi obwayogerwako mu Baibuli, ku Iw'ennaku zino, era tubigeraageranye n'ennaku ze tulimu olwa leero.

Mu 2Timoseewo 3, tuyiga kino, nti nnabbi yagamba, nti, "Olulituuka mu nnaku ezo, abantu bajja kuba bakakanyavu, abeegulumiza, abaagala essannyu okusinga Katonda," geraageranya ekyo kaakati, okumala akaseera. Tetujja. . . tugenda kukifunza, kubanga tetulina budde bungi kubiyitamu byonna nga bwe tusaanidde okubiyitamu; naye okubissaako essira, awo nno musobole okukiraba bwe munaaba muzzeyo awaka era mu biyige. "*Abakakanyavu, abeegulumiza, abaagala essannyu okusinga Katonda; abatatabagana, abawaayiriza, abateegendereza, era abatayagala bulungi.*" "kaakati omwoyo yayogera nga bwaategeeza nti ebintu bino bijja kubaawo mu nnaku ezolvanyuma." Ezo ze nnaku zino, obunnabbi ze bwogerako.

14 Kaakati tusome, n'era, mu Kubikkulirwa. . . 14, Okubikkulirwa 3:14, munsonyiwemu, Ekkanisa y'omulembe gwa Lawodikiya, bw'etyo Ekkanisa bw'ejja okubeera mu nnaku ezisembayo. Era kigamba nti ejja kuba, "Ejja kutuula nga nnamwandu era nga terina kye yeetaaga. Nga ngagga, era ng'erina ebintu, era nga tebakimanyi nti bo baavu, banaku, abasaasirwa, abazibe b'amaaso, era bali bwereere, era nga tebakimanyi." Naye. . . kaakano, jjukira, Ayogera eri ekkanisa y'omulembe guno, "basaasirwa, bazibe, bali bwereere, era tebakimanyi." Ekitundu ekyo ekisembayo, ekigambo ekyo ekisembayo kyekikifuula ekikanga. Balowooza nti bajjudde bulungi Omwoyo, nga bona beetegefu. Ekkanisa y'Omulembe gwa Lawodikiya ye Kkanisa y'Omulembe gwa Pentekoote, kubanga gwe mulembe gw'Ekkanisa ogusembayo. Luther yalina obubaka bwe; Wesley yalina obubaka bwe, ne pentekooti baalina obubaka bwaabwe.

15 Era, kigambye, nti, "Kubanga olina ekibuguumirize, so tonnyogoga so tobuguma," enneewulira y'ebweru, entegeera y'Enjiri mu ngeri ey'obwongo; "kubanga," Yagamba nti, "oli bw'otyo, Nja kukusesema okuva mu kamwa Kange." Ekitengeeza nti, Kyamulwaza okulaba ekkanisa mu mbeera eyo.

16 Era, jukira, baamuwandula wabweru; era Yali wabweru wa kkanisa, ng'agezaako okukomawo munda, mu mulembe ogwo ogw'Ekkanisa ya Lawodikiya ogw'entiisa.

17 Lubaale w'ensi eno, omuntu asinzibwa ow'ensi eno olwa leero, ye setaani. Era abantu tebakimanyi nti basinza setaani, naye Setaani yali mu kwefuula ng'ekkanisa, mukiraba, ng'ekkanisa. Basinza Setaani, nga balowooza nti basinza Katonda okuyita mu kkanisa, wabula eyo y'engeri Setaani gy'akikozeemu.

"Oo," mugamba nti, "naye sooka olinde eddakiika; tubuulira Ekigambo."

Tunuulira wano ku kye nnasomye, olwa leero. Setaani ye yasooka okubuulira Kaawa Ekigambo, "kumbe Katonda yagamba," mukiraba.

Okwo kwe kutegeera obubi ekitundu ky'Ekyawandiikibwa nga bwe kikolebwa. Ajja kukuleetera okumanya nti Yesu byonna bye Yakola byali bituukiridde bulungi. Ajja kukuleetera okumanya nti Musa byonna bye yakola byali bituukiridde bulungi. Naye ate bw'otwala ebisuubizo ebyaweebwa ku lw'ennaku zino, ng'olwo ebyo byali bya mulembe mulala. Ekyo kyokka ky'alina okukola, mulabe nga, bw'aleetera abantu okukikkiriza mu ngeri bw'etyo, era ky'ekyo kyokka. Kuba, "Tosobola kutoolako ku Kigambo wadde ekimu, oba okukiggatako ekigambo kimu kyonna." Naye ekyo ky'akola.

18 Abantu, mu butamanya basinza Setaani, nga balowooza nti bali mu kusinza Katonda; nga bwe tulabulwa obunnabbi, mu Abasessaloniika Eky'okubiri. Awo, leka tusome ekyo, Abasessaloniika, essuula ey'Okubiri. Leka tukifune mu kaseera katono, singa nsobola, mu mangu ddala. Nandyagadde okukisoma. Kituufu, nzikkiriza Abasessaloniika. Ekyawandiikibwa nkifunye wano. Mu ky'Okubiri.

Kaakano tubeegayirira, ab'oluganda, olw'okujja kwa Mukama waffe Yesu. . . era n'olwokukuŋjaana kwaffe gy'ali;

Kaakati, okiraba, "Okujja kwa Mukama, era n'okukuŋjaana kwaffe gy'ali," nga Katonda bw'Anakunkuŋjaanya abantu be mu nnaku ezisembayo.

. "Okukungaana kw'abantu eri Mukama," so si eri ekkanisa, "eri Mukama; okukuŋjaana awamu gy'ali."

Nti obutasagaasagananga mu magezi, oba. . . mu Kigambo, newankubadde okveraliikirira, newankubadde olw'omwoyo, newankubadde olw'ebbaluwa efafanana ng'evudde gyetuli, nti olunaku lwa mukama lutuuse;

Omuntu yenna tabalimbanga mu kigambo kyonna kyonna: kubanga olunnaku olwo terulija, wabula ng'okwawukana kuli kubaawo, era omuntu oli ow'okwonoona ("omuntu oli ow'okwonoona," weetegereze alabe kiki ky'ali kaakano), omuntu ow'okwonoona nga alimala okubikulwa, omwana w'okuzikirira, (oyo yali Yuda, mulaba);

Aziyiza era eyeegulumiza okusinga buli kintu ekiyitibwa Katonda, oba ekisinzibwa, n'okutuula n'atuula mu yeekaalu ya Katonda, nga yeeraga yekka nti ye Katonda.

19 Obulimba obwe kkanisa ya leero! Okiraba, "omwana w'okuzikirira," setaani. "omwana ow'okuzikirira," setaani. Awo nno, ng'abantu basinza setaani mu nnaku zino, nga balowooza nti basinza Katonda. Naye nga bali mu kumusinza okuyitta mu biyiiye, ebihiina by'amadiini n'ebiyiiye ebyakolebwa abantu ebireese

abantu okubatuusa ku bulimba obukyasinze ensi bwe yali etegedde. Sinsonga Ekigambo kya Katonda kyenkana ki ekyaausbizibwa mu nnaku zino, kibuuliddwa era ne kikakasibwa, era tebajja kukikkiriza. Tebajja kukikkiriza.

Naye Iwaki? Twewuunya Iwaki. Lwaki si bwe kiri; Iwaki tebaakkirize? Ng'ate Katonda Yagamba ajja kubaako ekintu ky'akola, era Akikola, naye ate era ne bakikuba amabega era ne bakivaako. Nga Kaawa bwe yali amanyi Katonda kye Yagamba, Katonda kyajja okukola; naye n'akikuba amabega, okuwuliriza kye yali alina okwogera.

Mujjukire, mu mirembe emirala, kibadde kintu ky'ekimu. Mu buli mulembe. Bulijo Setaani agezaako okukyusa Ekigambo ekyo gye bali, ng'abaleetera kulaba mulembe mulala.

20 Laba, Yesu bwe Yajja, mulabe nga Setaani yali mu kibinja ekyo eky'abasomesa b'Abayudaaya, era abayigiriza ne bakabona, ng'agezaako okubagamba bakuumme amateeka ga Musa, ng'ate Ekigambo kyennyini kyagamba nti mu nnaku ezo Omwana w'omuntu ajja kubikkuliba, mukirabe nga bw'Ajja okwebikkula. Kaakati baali bagezaako, kasita kyabakuma nga banadiini, era ne kumateeka ga Musa. ...Mulaba kye yakola? Yali agezaako okubagamba, nti "Ekitundu ky'Ekigambo ekyo mazima ddala kituuufu, naye omusajjan ono si ye Muntu oli." Olaba engeri gyaali omulimba? Olwo lwe lunnaku olwa ddala olw'obulimba.

21 Bwe kibaddenga, era ne kaakano bwe kiri, Setaani ng'ateeka obwakabaka bwe ku nsi. Eyo y'ensonga yennyini Iwaki okikola, kubanga ye ayagala kuteekawo bwakabaka bwe.

Ng'omukozi wa bizinensi, atali Mukristaayo, ajja kukola buli kakodyo kaasobola okukuleetera okulaba ekintu mu ngeri enkyamu. Bw'aba ng'alina ekigendererwa n'ekiruubirirwa okubaako ky'afuna mu kukukozesa ekyo, ng'akuleetera okukiraba mu ngeri eyo, era ajja kukulaga buli kintu ky'asobola, era akujje ku mazima gaakyo, kubanga yeerwoozaako yekka. Sinsonga akulimbye kyenkana wa ova okubba, era buli kintu kyona, alina ebigendererwa bye.

22 Era y'ensonga Iwaki Setaani akikoze kino. Era akikoze okuyita mu buweereza okukikola nga Katonda bwe yasuubiiza okukikola. Kaakati, yatandika na bulimba bwa ddiini mu lusuku Adeni, era yeyongedde okuva ku olwo.

Si kutekaawo ekisagaanda kya ba Nnakalyakoa ani. Ba Nnakalyako ani ekyo tekibakwatako. Kkanisa, eyo gye mulina okussa amaaso, mukirabe. Ssi -ssi ba Nnakalyako ani nti be bajja okulimba Omulonde. Ekkansa yennyini y'ejja okumulimba, ndowooza mukiraba. Si ba Nnakalyako ani; tukimanyi nti beegaana Katonda, era balabe ba Kristo, mazima bwe bali, munnono, naye bo si be balabe ba Kristo. Omulabe wa Kristo munnaddiini, munnaddiini ennyo, era asobola n'okunokola Ebyawandiikibwa, era n'abiretera okulabika nga byangu nnyo.

Nga Setaani bwe yakola eri mu lubereberye, yanokola ebintu byonna naabimalayo, "Katonda yagamba nti, 'Temulyanga buli muti ogwonna ogw'omu nnimiro.'" Okiraba, kinokole okigyeyo bulungi.

Omukazi n'addamu nti, "Yee, tusobola okulya ku buli muti ogw'omu nnimiro, naye waliwo omuti mu masekkati g'ennimiro Katonda gwe yagamba nti tetugulyangako, era tetugukwatangako; kubanga, olunaku lwe tulikikola, ku lunaku olwo tujja kufa"

23 Setaani n'agamba nti, "Oo, mazima temujja kufa. Naye ka nkuwe ensonga Iwaki Katonda Yakyogera kino, lwa kubanga. . ." mukiraba, kaakano akola ki? Yanokola amazima gano, mulabe, yagamba nti, "Kijja kubikkula amaaso gammwe, era kibaleetera okumanya obulungi n'obubi. Awo mujja kubeera nga Katonda, singa musobola okukikola."

Ky'ekyo kyennyini ky'ayagala okukola, era ekintu ky'ekimu ky'ali mu kugezaako okukola n'olwa leero. Wabaddengawo obulimba bw'eddiini okuva mu lubereberye mu lusuku Adeni, era kibaddenga bw'ekityo okuva ku olwo. Mu biseera bya Adamu, bwali bulimba. Mu biseera bya Nuwa, bwali bulimba. mu biseera bya Yesu, kyali ky'ekimu. Era ne kaakati ky'ekimu, obulimba bw'eddiini!

24 Kaakano, tujja kwetegereza ensi, bwe yali nga Katonda y'Agifuga. Kaakano, Katonda bwe yali nga y'Agifuga. . . yali eri mubufuzi Bwe. Awo Setaani bwe yagitwala, ng'ayita mu kugaana Ekigambo kya Katonda. Katonda lumu ye yalina obufuzi ku nsi, ye yagiteeka we yeetooloolera. Ye yagiteekawo, okusobola okukola. Yakola byonna, byali mu bufuzi bwe. Kaakano tujja kugeraageranya ekyo ne bw'eri kaakati oluvannyuma lwa Setaani okutwala obufuzi bwayo.

25 Kaakati, kyatwalira Katonda emyaka kakaaga. Tekyamutwalira bbanga ggwanvu bw'erityo, naye Yalwawo okwenkana awo. Emayaka kakaaga, kubanga tuyigirizibwa nti "Olunaku lumu mu Ggulu Iwenkana emyaka lukumi ku nsi," era gyali emyaka kakaaga, ova ennaku mukaaga Katonda mwe yazimbira ensi. Kaakano, kyatwala emyaka kakaaga okugiteekawo. Okugisiimbamu ensigo ennungi n'okuzaala ekikifaanana. Buli kintu kirina okwezaala. Ensigo ze zonna zaali nnungi, era n'olwekyo zaalina okuzaala nga zefaanana. Katonda yatwala emyaka kakaaga.

26 Eky'enkomerero, bwe Yamala okubikola byonna, era eky'enkomerero tu. . . eky'enkomerero n'Amaliriza awamu n'ekitebe ekikulu, eky'okunsi, mu kafo akalungi eyo mu buvanjuba bwa Adeni, oluyitibwa olusuku Adeni. Katonda yakola ekitebe ky'ensi yonna mu lusuku Adeni, eyo mu Misiri, eyo kuludda lw'ebuvanjuba obwo lusuku gye Yateeka ekitebe ekikulu.

27 Era mu mbeera yonna, n'ateekamu mutabani we ne mukyala wa mutabani we, bafuge byonna. Ekyo kituufu. Ekyo Katonda kye yakola. Yabateeka mu bufuzi obujjudde. Baali basobole okwogera eri empewo, era n'erekera awo okukuunta. Baali basobola okwogera eri omuti, era nga gusobola okuva wano ne ggudda wali.

Empologoma n'omusege byaliiranga wamu, era omwana gw'endigga ne gugalamiranga wansi nabyo. Tewaaliwo bubi. Gyali mirembe egitukiridde, enkolagana y'obumu obutuukiridde, nga buli kintu kituukiridde, bwe byali nga biri wansi w'obufuzi bwa Katonda. Era weetegereze, yali alina. . . yali alina ensi ye, ebintu byonna nga bikola bulungi. Yalina buli kintu kyonna nga kijja. Nga byonna birya omuddo; nga tewali kifa, nga tewali kyakwonoona, nga tewali kyonooneka. Nga tewali. . . byali byonna bituukiridde.

Era waggulu wa byonna, n'ateekamu abaana be abaagalwa, mutabani we ne muwala we, omwami n'omukyala, bagifuge.

28 Katonda yali mumativu nnyo! "Era n'awummula okuva mu mirimu gye gyonna, ku lunaku olw'omusanvu," era n'assaamu ekitiibwa olunaku lw'omusanvu luno okuba ekiwummulo Kye.

Kubanga, Katonda yabitunuulira byonna nga biwedde, bwe yali ng'amazze emyaka kakaaga mu ku gibuumba era n'okugitereeza obulungi, ng'agireetera okubeerawo; era n'ateekawo ensozi eziwandula omuliro waggulu, n'ebintu byonna ebibeerawo nga ziwandula omuliro; n'azikaza, era n'abiteekateeka nga bwe yali Ayagala. Era kyali kifo kirungi.

29 Tewaaliwo kigifaanana, ensuku za Katonda ez'amaanyi! Ne n'ebisolo eby'amaanyi, era

nebirala byonna, nga byewalulira mu lwo, era n'ensolo ezaamaanyi; nga tezirina bulabe mu zo. Nga nzikakkamu nga kappa ento. Tebyalina kintu kyonna; tewaali ndwadde, tewaali nnaku; tewaaliwo yadde akawuka akamu akaleeta obuwadde ku nsi. Oo, nga kyali kifo!

Ebinyonyi eby'amaanyi nga bibuuka okuva ku muti bwebidda ku mulala, era Adamu yabiyitanga amannya gaabyo, ne bibuuka okujja kubibegaabega bye ne byogera naye. Era, oo, nga kyali kifo kirungi Katonda kye Yalina!

30 Era awo n'akola ekimu ku mbala ze okuva mu mubiri gwe gwenyini. Katonda alina embala mu mubiri gwe.

Nga bwe kiri nti gwe oli mbala ya kitaawo. Era, weetegereze, gwe wali mu jjajja wa jjajja wa jjajja wa kitaawo. Naye, mu ekyo, katugambe, tujja ku kikomya awo ku ggwe ne kitaawo. Kaakati, gwe wali tolina kintu kyonna ky'omanyi bwe wali ng'oli mu kitaawo. Ensigo y'obulamu eva mu kisajja. Omusajja y'alina obutaffaali bw'omusaayi obumyufu; omukyala y'alina ggi; kaakati, n'olwekyo, obutaffaali bw'omusaayi bwe bulina obulamu mu bwo. Era, awo, bwe wali mu kitaawo, mu mazima ggwe wali tolina ky'okimanyiiko. Naye, ate, Sayansi era n'Ekgambo kya Katonda bikakasa nti wali mu kitaawo, naye gwe wali tolina ky'okimanyiiko.

Naye ate taata yali ayaayaana okukumanya. Era awamu n'okwegatta ne maama, awo gwe kitaawo n'akumanya. Kaakano, oli mbala ya kitaawo. Omufaanana, era olina ebitundu by'omubiri gwo ebifaanana kitaawo.

Kaakano, eyo y'engeri Katonda gye yalimu ku lubereberye. Buli mutabani wa Katonda era na buli muwala wa Katonda yali mu Katonda mu lubereberye. Gwe tokijjukira kaakano, naye wali eyo. Ye yakimanya. Era yali ayagala okifuuke asobole okukulaba, ayogere naawe era akwagale, era akukwate mu ngalo.

31 Ggwe toyagala mutabani wo. . . teruba lunaku lw'amaanyi mutabani wo n'akomawo awaka era n'atuula ku mmeea? Ng'avudde mu ddwaaniro, oba ekintu ekirala, ng'atidde; engeri gyoteekako eky'eggulo; n'otta ente eya ssavva, oba ekintu kyonna, era n'omuteekerateekera! Guno mubiri gwo n'omusaayi byennyini, era yali mu ggwe. Wali tomumanyi mu kusooka, naye wakimanya nti gyaali.

32 N'olwekyo Katonda Yatumanya nti tujja kubeera wano, kaakati awo n'Atuteeka mu mubiri asobole okukolagana naffe. Asobole okwogerezeganya naffe, Yafuuka omu ku ffe bwe yafuuka Yesu Kristo, Omwana wa Katonda yennyini obujjuvu bw'okulabisibwa kwa Katonda. N'olwekyo ekyo kye kyali ekigendererwa kya Katonda. okulaga embala ze mu kutabagana.

Nze bwe nnali mu kitange, nnali sirina kye nkimanyiiko. Naye bwe nnafuuka mutabani we ng'amazze okunzaala, nnali mbala ye, ekitundu ku taata wange. Era naawe oli kitundu kya taata wo.

Era ng'abaana ba Katonda, tuli kitundu ku mbala za Katonda ezamulimu, ne tufuuka omubiri nga naye bwe yafuuka omubiri, awo ne tusobola okutabagana fenna wamu nga ab'olulyo Iwa Katonda kunsi. Era ekyo kye kyali ekigendererwa kya Katonda mu lubereberye. Yee, ssebo. Ekyo Katonda kye yali Ayagala ku lubereberye.

Yali alina ebintu wansi w'obufuzi bwe. Era n'alukwasa abantu mu lusuku Adeni, n'abawa eddembe okwesalirawo; n'agamba nti, "mutabani, ebyo bibyo."

33 Nga kifo kirungi! Katonda yali amatiziddwa nnyo, okutuusa Iwe Yasalawo n'addayo era n'awummula okuva mu mirimu gye gyonna. Emiti gyonna tegyaleeta maggwa na bukoola bukunduzze. Tewali bibala by'ava ku muti gwa maggwa. Buli kintu kyali kituukiridde. Ensigo zonna nga zituukiridde. Buli kintu kyali mu mbeera etuukiridde.

Naye bwe Yagenda okuwummulumu katono, omulabe we n'asooba n'ayingirawo n'obulimba, era n'abitwala, ng'ayita mu kuvvuunula obubi enteekateeka ya Katonda eri abaana Be. Bwe yateeka obwesige mu mwana We yennyini; nga naawe bw'oteka obwesige mu muwala wo bw'afulumako wabweru ekiro n'omusajja; bwoteka obwesige mu mutabani wo ng'agenze n'omuvubuka omunywi w'omwenge ova omulenzi afuuwa taba. Laba, yateeka obwesige mu mutabani we, nti tajja kukola kintu kyonna kikyamu era ajja kukuuma Ekigambo Kye kye Yayogera. Naye omulabe yasooba n'ayingirawo; ng'oyo eyegenza asobola okutwala muwala wo wabweru era ne yeeyisa obubi; ova- ova omukazi yenna ayinza okutwala, n'agenda ne mutabani wo wabweru, era ekintu ky'ekimu. Okiraba,nga yasooba n'ayingira. Omulabe wa Katonda yasooba n'ayingira n'avvuunulira bubi Kaawa Ekigambo kya Mukama Katonda.

34 Kaakano, ye Setaani, olw'okuggwa kuno, yawamba era n'atwala olusuku Iwa Adeni, yennyini. Yalutwala. Era kaakano abadde n'emyaka kakaaga egy'obufuzi bw'obulimba; ng'alimba abantu, abaana ba Katonda, nga bwe yakikola luli. Kubanga, baali baatondebwa kwesalirawo, okweyisa mu ngeri yonna gyebaagala. Era ng'akkiriza nti bajja kweyisa bulungi, ova nga Yeesize nti bajja kweyisa mu butuufu, naye ne bajja n'ekikolwa ekikyamu, era ne batunda obusika bwabwe, nga Esawo bwe yakola, ku Iw'ensi. Era Setaani n'agiwangula, era n'agitwala. Era abadde n'emyaka kakaaga okuzimba Adeni ye, nga ne Katonda bwe yalina emyaka kakaaga okutuusa Adeni Iwe yamalirizibwaa. Era ng'ayita mu bulimba, obulimba obw'ekigambo, ova abantu, kati attaddewo Adenie wano kunsi, mu kibi.

Olusuku Iwa Katonda Iw'atekeebwaho mu butuukirivu. Olusuku Iwa setaani luteekeddwaawo mu kibi, kubanga Setaani kibi. Katonda Butuukirivu, era obwa kabaka bwa Katonda bwateekerbwaho mu butuukirivu, era mu mirembe, n'obulamu. Wabula olusuku Iwa Setaani luteekeddwaawo mu kibi, ne mu ddiini y'ekibi.

35 Wegendereze engeri gye yalimbamu, obulimbabwe, nga bwe yagamba bw'ajja okukikola. Yasuubiza okukikola kino. Mubadde mu kimanyi ekyo. Leka tugende mu Isaaya, bwe muba mwagala ebimu ku Byawandiikibwa bino. Nga mwandyagadde okunokola ebimu ku byo, bwe nteebereza. Leka tugende mu Isaaya essuula eye 14, mu kaseera katono. Mu Isaaya 14, tugenda kukisoma, tulabe munaffe ono kye yakola. Isaaya 14, okutandika n'olunyiriri olwe 12.

Ng'ogudde okuva mu ggulu, ggwe emmunnyeenye ey'enkyo, omwana w'enkyo! Ng'otemeddwa okutuuka ku ttaka, ggwe eyamegganga amawanga!

N'oyogera mu mutima gwo nti, Ndirinnya mu ggulu, ndigulumiza entebe yange okusinga emmunnyeenye za Katonda; era ndituula ku lusozi olw'ekibiina, ku njuyi ez'enkomerero ez'obukiika obwakkono: ndirinnya okusiinga ebire webikoma; ndifaanana oyo ali waggulu ennyo.

36 Kaakano geraageranya kino wano n'Ekyawandiikibwa kyaffe ekirala mu Basessalonika, emabegako, engeri gye yaganbye nti, "atuula mu yeekaalu ya Katonda, ne yeegulumiza waggulu wa buli ekiyitibwa Katonda, nti ye nga Katonda asinzibwa, asinzibwe nga Katonda ku nsi."

Oyo ye lubaale w'ensi eno gwe nnababuuliddeko Sande eyise. Wuuno ali wano olwa leero mu bulimba, essaawa eyo ey'akatyabaga, ekiseera ekisinga obulungi kye tulimu. Ky'ekiseera ekisinga okuba eky'ekitiibwa mu mirembe gyonna emirala, kubanga twolekedde ekyasa eky'Emyaka olunaku nate; twolekedde olusuku Iwa Adeni nate. Naye wano wennyini mu mulembe guno, obulimba bwonna na buli kakodyo ke yali akozesezza era kaasobode okukozesa okulimbisa nako, byonna abikuunjaanyiriza wamu era ne yeeyongera amaanyi; n'akka wansi nga Katonda, era yeetadde mu kifo kya Katonda; munnaddiini, era asobola okunokola Ebyawandiikibwa era asobola okubuulira Ebyawandiikibwa, nga Setaani bwe yakikola eri Kaawa mu lusuku olwa Adeni. Naye lekawo akatundu kaakyo, kyokka ky'asobola okukola, kuteekawo ebbanga, awo obutwa bw'enjigiriza ya Setaani we busobola okuyiibwa ne buyitira, ng'Akasengejja k'Omusajja Alowooza ketwaali twogerako ekiro kya luuli

37 .

Kaakano, yagamba nti ajja kwegulumiza waggulu w'Oyo ali waggulu enyo; ndirinnya okusinga ebire n'emmunnyeenye, era ajja kutuula waggulu eyo nga Katonda, era abeere waggulu okusinga Oyo ali

waggulu. Era awangudde mu kutuuka okuteekawo okutiiisatiisa kwe, okuyita mu bantu okumuleka okunnyonyola okulala, mu buli mulembe, omuwendo gw'ekigambo kya Katonda ekyasuubizibwa eri omulembe ogwo. Eyo y'engeri gy'akikkozeemu. Mu buli mulembe, yakinnnyonyola bulala.

38 Mu nnaku za Nuuwa, yakinnnyonyola nti kyali tekisoboka enkuba okutonnya okuva mu ggulu, "tewaalio nkuba waggulu eyo." Enjiri ye ey'amaanyi eya Sayansi gye yabuulira mu Adeni! Yasindika ebyuma ku mwezzi okukkakasa nti tewaliiyo mazzi waggulu eyo. Naye Katonda yagamba nti wajja kujja enkuba. Naye Setaani ya wangula, n'ayonoona obwongo bw'abantu, ng'ayita mu kunoonyereza kwa Sayansi, nti, "tekisoboka kukolebwa." Naye ate kyakolebwa. Katonda yagamba nti kijja kukolebwa, era kyakolebwa. Yakikola.

39 Kaakano mu nnaku za Yesu, yakola ekintu ky'ekimu. Yateeka obutwa mu bwongo bwabwe nate okuyita mu bulimba, mulabe okuvvuunula kwe obubi ekigambo. "Oba ye ggwe Mwana wa Katonda, kaakati leka ndabe beerako ky'okikolera."

Yesu teyamuzanyiikiriza. Teyakikola. Katonda si kazanyiirizi. Tamala gaddamu buli Setaani ky'asaba. Ye kye yalina. . . Yesu yagamba nti, "Kyawandiikibwa, ggwe tojja kubeera. . . omuntu tabeera mulamu lwa mmere yokka, wabula na buli Kigambo ekiva mu kamwa ka Katonda" Mukiraba nga yali teyeetaaga kumuzanyiikiriza, okuva gyali. Yali teyeetaaga kukola migaaati. Yandikikoze, naye yandibadde awuliriza Setaani, n'olwekyo yali talina kuwuliriza Setaani.

40 Naye ate era ekyo kibi kya ddiini, nga bwekyali ku lubereberye, mulimba nnyo. Kirabe kaakano. Si kibi kikadde ekyaddala ekya buli lunaku, okukola obwenzi, era n'okutamiira, ova okulayirira obwerere mu Linnya lya Katonda. so si ky'ekyo. Nedda.

Mu jjukira emyaka egiyise, bangi kummwe wano abazirwanako, mujjukire obubaka obwo bwe nnabuulira ku *Okusoberwa ku Musango*. Malaaya, tajja kuyiibwa ku olwo. Amanyi wa gy'alaga. Omutamiivu tagenda kuyiibwa ku olwo. Omufere, omuzanyi wa zzaala, omulimba, omubbi, tagenda kuyiibwa. Naye, omusajja oyo alowooza nti mutuufu, awo we wali okuyiibwa.

Oyo ye muntu oyo, ajja katugambe, ajja kugamba nti, "Mukama, ssaabuulira Njiri, ssaagoba mizimu, mu Linnya Lyo?"

41 Yesu yagamba nti, "vva wano. . . okuva wendi gwe eyakola obujeemu. Sikumanyangako." Awo we wali okuyiibwa, mulaba obuliimba obw'amaanyi obwo.

Ekyo kye mbeera buli kaseera. . . awo we basinga okuntegeera obubi. Si nti njagala kubeera wa njawulo. Ssaagala kubeera wa njawulo, naye nnina okubeera ow'amazima. Nnina obubaka, era obwo bulina okugenda eri abantu. Ky'ekireetera abantu okukitegeera obubi. Balowooza nti nze mpakanya buli muntu. Kyokka kye batamanyi, nti nze ndiwo kulwa buli muntu, era ngezaako kyonna kye nsobola okubaleetera Amazima, nga bwe gali ku mutima gwange era nga bwe gali mu Baibuli wano. Era Katonda akakasa ekyo okubeera Amazima, n'olwekyo tewali kintu kirala sisobola kukolebwa olw'ekyo. Kaakati awo, baktinuulire ova tebakinulira.

42 Okiraba, tebaagala ku kiraba, kubanga beetunda dda, baatunda dda obusika bwabwe eri ekibiina ekimu, eri ekibiina ky'eddiini; okugezaako n'obusika bwabwe, okugenda mu ggulu nga basinzidde ku ddiini enteeketeke, ng'ate Setaani ye mutwe gwa buli kimu ku ebyo. Katonda teyabeerako na ddiini nteeketeke, teyabeerako nayo. Naye bo beetunda eri ekyo, eri ekisaaganda ky'abasajja abavvuunula ekigambo era ne bagamba nti *kitegeeza kino ova kitegeeza kiri*.

Katonda teyeetaaga muvuunuzi. Ye yeyevuunulira. Teyeetaaga muntu mulala yenna kumubuulira kya kukola. Ye ye kamala byonna. Yayogera engeri gy'anaakikolamu, era bw'atyo bw'alina okukuma Ekigambo Kye. Bwe yagamba nti, "Obubonero buno bunaagendanga n'abo abakkiriza," ekyo kyennyini kye yali Ategeeza. Kyonna kye Yagamba nti kijja kubeerawo, kirina okubeerawo mu zino ennaku ez'oluvannyuma, nti era ajja kubaako ebintu by'Akola, era Yabikola. Teyeetaaga kubuuza muntu yenna ova ky'ekiseera ova nedda. Ye amanyi ekiseera bwe kiri era n'enteekateeka bw'eri.

43 Kaakano, Setaani, ono omulimba, nga bw'ayogerwako mu Matayo 24:24, n'obulimba obungi. Kaakano, tukizuula nti okuyita mu enteekateeka ze ez'enjiri ez'amagezi, obuyigirize obusingako, empisa eza waggulu, obugunjufu, era n'ebirala, aloze abantu abaagala okuweereza Katonda, okukkiriza bulimba bwe.

Kaawa yali tayagala kukikkola ekyo, naye yamulaga engeri gye kirimu amagezi agasingako. Yali tamanyi; n'ayagala okumanya. Teyalina kutegeera, n'ayagala okutegeera. Kyokka ate Katonda yamugamba obutageezako kutegeera.

Nnyinza ntya okutegeera ekintu kyonna ku bino? Sisobola kubitegeera. Mbikkiriza. Seetaaga kubitegeera. Katonda ku kkiriza, so si kutegeera. Ffe tukkiriza bukkiriza ekyo kye Yagamba.

44 Kaakano, geraageranya olusuku lwa Katonda n'olwa Setaani, oluvannyuma Iw'emyaka kakaaga

egy'okukyusa enzivuunula y'Ekigambo kya Katonda entuufu ekyasuubizibwa eri omulembe. Leka tukigeraageranye kaakano, era tulabe wa gye tunaatuuka. Nga bwe yakola Ekkanisa mu biseera bya Kristo, mu Yesu, ng'agezaako okukuumira abaana ba Katonda emabega obutamanya Mazima. Abo ba Katonda. Katonda yateeka abaana be wano, abo embala ze, okussa ekimu wamu Naye okuyita mu kuwuliriza Ekigambo Kye

45 .

Watya singa kitaawo akugamba, era nga ggwe oli mwana mwesigwa eri kitaawo, era n'akugamba nti, "Mutabani, togenda mu mazzi ago okuwugiramu, kubanga mulimu goonya"; kaakati awo munne n'ajja, n'agamba nti, "mazima, amazzi amalungi ng'ago, tegaliimu goonya"? kaakano ani gw'ogenda okuwuliriza? Bw'oba oli mwana w'amazima, ojja kuwuliriza kitaawo.

Era omwana wa Katonda ow'amazima ow'obuleenzi oba ow'obuwala atwala Kigambo kya Katonda okusooka. Sifaayo kiki omuntu omulala ky'akyogeddeko, batwala Kigambo kya Katonda okusooka. "Mulimu obutwa mu kikopo," era ne bakikkiriza.

Okuba n'okukkiriza mu Kigambo kye kyonna, ensigo ze, zaaleeta Adeni ey'obutukuvu, okwagala n'obulamu obutaggwaawo. Ekyo Adeni ya Katonda kye yazaala, butukuvu. Era kyaleeta Adeni eyobutukuvu, okwagala, okutegeera, okutuukirira, era n'obulamu obutaggwaawo. Ekyo Katonda kyasimba, Ekigambo Kye, ensigo Ye. Ekyo Ekkanisa Ye ky'egenda okubeera ku nkomerero; kijja kuba kintu ky'ekimu.

46 Wetegereze, ekirowoozo kino. Temukyerabira. Nja kukiitukako mu budde obulala oba mu bubakka obulala. Naye, mukimanyi, Katonda yagamba nti, "Leka buli nsigo eveemu ekigifaanana." Eryo tteeka lya Katonda? kaakano bulungi ki eri omubuuilizi yenna, oba omuntu yenna, okugezaako okuleetera Ekigambo ekyo okwogera Ekigambo ekirala? Mukirabe nga buli Kigambo kya Katonda nsigo. Yesu bwe yagamba, "Ensigo omusizi gye yasiga." N'olwekyo bwe kiba nga Makko 16 Kigambo kya Katonda, kiba kijja kubala ebikifaanana. Bwe kiba nga Malachi 4 Kigambo kya Katonda, kiba kijja kubala ebikifaanana. Era nabuli kisuubizo ekirala kyonna kiba kijja kubala ebikifaanana.

47 Olaba, Setaani wabweru eyo mu kwefuulafuula? Agezaako okugamba nti, "Tekiri, tekiri bwe kityo." Mukitegeera? [Ekibiina kigamba, "Amiina." - Omuk.] Mulabeeyo, Setaani ng'agamba nti, "Oo, ekyo sikya nnaku zino. Ekyo, ekyo - ekyo. . . ekyo kyali kiseera kirala. Ekyo, ekyo n'okuba si kye kitegeeeza."

"Buli nsigo erina okuvaamu ekigifanaana." Bw'atyo Katonda bwe Yateekawo Adeni Ye. Ekyo kituufu? [Ekibiina kigamba, "Amiina." - Omuk] era ky'ekino wano, bw'atyo Katonda bwe Yateekawo Ekkanisa Ye, buli Kigambo nga kifanagana! "Omuntu tabeerenga mulamu na mmere yokka, wabula na buli Kigambo ekiva mu kamwa ka Katonda." olaba? Setaani, aba ajja kutwala kintu kirala. Naye Katonda yagamba nti, "Buli nsigo mu ngeri yaayo."

Ekisuubizo bwe kiba kyagamba nti, "Obubonero obwo bunaagendanga n'abo abakkiriza."

Kaakano ekkanisa ng'egamba nti, "Weegatte ku kkanisa. Ddamu ekiyiiye. Manya katikiisimu." Tewali bintu ng'ebyo mu Baibuli yonna.

Naye Yesu yagamba nti, "Obubonero buno bunaagendanga n'abo abakkiriza: mu Linnya lyange bajja kugoba emizimu; bajja kwogera mu nnimi empya; bwe banaakkattanga ku misota oba okunywa ekintu ekitta, tekibakolengako kabi; bwe banaateekanga emikono gyabwe ku balwadde, nabo banaawonanga." Muntu ki okugaana ekyo? Okiraba?

48 "Buli nsigo ejja kuvaamu ekigifaanana." Bw'oba ng'oli nsigo ya Katonda, nga kikula Kye, omwana wa Katonda, kaakati awo Ekigambo kya Katonda kisigiddwa mu ggwe. Okiraba? Era kati bw'owulira Ekigambo kya Katonda, "Endigga zange ziwlira eddoboozi lyange; omugwira tezijja kumugoberera." Okifuna? "kaakati awo buli nsigo ebala ekigifaanana."

49 Kaakano tukizuula, nti buli nsigo ereeta ekigifaanana, tewali yo kufa mu Adeni eyo. Tewajja kuberayo kufa mu Adeni empya. Labayo nga tewaaliyo, tewali kintu kirala kyonna okuggyako obutukuvu, obulongoofu, era n'obulamu obutaggwaawo.

Kaakano, okuyita mu butakkiriza Kigambo kya Katonda kyonna, kireesewo ensigo eyobutali butukuvu mu lusuku lwa Setaani. Kaakano tugenda eyo Setaani gy'ali mu kutwala entebbe, ng'omulabe wa Kristo, mu lusuku ku nsi kuno, olusuku lw'ekibi, eddiini eyakyamizibwa. Teyatandikira ku, "Nze Setaani. Nze Malayika ow'amaanyi." Nedda, teyatandikira ku ekyo, naye ku kukyusa Ekigambo kya Katonda. era bw'atyo bw'aleese obwa kabaka bwe mu buli mulembe. Era kaakano mu mulembe guno ogw'obulimba obw'amaanyi, nga mwetegefu okutwala entebbe ye, okuyita mu bantu be! Yeezimbidda olusuku olw'amagezi, oluyivu, olusuku olwa Sayansi; kituufu, ababuulizi Bannasayansi, amakkanisa ga Sayansi, enjigiriza y'eddiini ya Sayansi, buli kintu kyonna kya Sayansi. Buli kintu kiri ku musingi gwa kumanya. Ekkanisa yonna ezimbiddwa ku kumanya. Tezimbiddwa ku kukkiriza.

50 Lumu nnagenda okuba n'olukunjaana mu kkanisa y'omusajja. Kyali kizimbe kya maanyi eyo mu bugwanjuba. Yali musajja mulungi, n'agaana ebintu bino bye tuli mu kwogerako. Naye ate, ye yali. . . nnamwagala; namukadde omusajja omulungi. Ekibiina kye bwe kyafuluma wa bweru . . . kyalimu abantu nga kakaaga. Ekibiina kye bwe kyagenda wabweru, mu lukanjaana Iw'akawungeezi, lukumi mu bitaano, bona baali bambadde bulungi nga bagezi. Nnatuala awo ne mbatunuulira.

Yabuulira enjiri ennungi, omusajja yabuulira. Kaakati awo n'abuuza oba eriyo omuntu yenna ayagala okukkiriza Yesu; awanike omukono gwe. Era tewaaliwo yadde omu eyawanika mukono gwe. Era oluvannyuma, omukazi n'ayimusa omukono gwe. N'agamba nti, "Kale, kaakano oli Mukristaaoy," era ne bamubatiza. Era bwe yafuluma. . . n'awongayo omwana eri Mukama, n'anywegera omwana ono omuto era n'amusabira, era awo n'asiibula ekibiina.

51 Ekibiina kye bwe kyafuluma wabweru, bona baali balungi, nga bayiivu, bantu abasooma. Nze awo nnali nnyimiridde ku mabbali, okukwatako mu ngalo z'omusajja era mwagalize obwangu bwa Katonda, bw'aba ng'afuluma wabweru.

Era bwe nnakkola, kaakati awo ekibinja kyange nakyo ne kiyingirawo. Tebaalinda kibinja kye nabo baali bakyali awo. Kaakati awo ekyange ne kijja, nga bali mu bugaali bw'abalema, nga batambuza miggo, abambadde ebijaketi by'abanaku, abatabuuufu b'emite, era n'ebirala byonna. Olaba enjawulo? Ky'ekyo. Ekyo ky'ekintu kye njogerako, mukiraba. olaba, ekintu kya njawulo.

52 Bw'oba, ng'okuyita mu magezi ga Sayansi ggwe osobola okuleteera abantu okutegeera enjiri, "Oyo akkiririza mu Yesu Kristo tajja kusalirwa musango," ndowooza okiraba.

Naye, "Obubonero buno bunaagendanga n'abo abakkiriza," laba, nga bwe yalemererwa okuteeka ekyo mu ye. Omukazi yakkiriza Yesu Kristo, omulokole, era obubonero buno bwe bulina okugoberera omukkiriza.

"Era oyo awulira ekigambo kyange," si eyeefuula, si kukiulira n'amatu ge, naye, "Nakitegeera." Omuntu yenna asobola okukiulira; malaaya asobola okukiulira n'asigala nga malaaya; okiraba, omutamiivu asobola okukiulira; omulimba asobola okukiulira era n'asigala nga mulimba. Naye, "Oyo ategereka Ekigambo Kyange, n'akkiriza oyo eyantuma, alina obulamu obutaggwaawo." Labayo nga ky'ekyo.

Era tewali muntu ayinza kukikola ekyo okuggyako nga Katonda yali yamwawula dda. Yesu yagamba nti, "Tewali muntu ayinza kujja gye ndi, okuggyako nga Kitange y'Amuwaludde, era bona Kitange be Yampa balijja gye ndi." Amiina. Byonna biri mu busukkulumu era n'ebyo Katonda bye Yamanya edda. Abeera yekka era tewali muntu yenna amugamba kyakukola.

53 Kaakano, olw'obutakkiriza, mu butatwala Kigambo kya Katonda kyonna, kireesewo ensigo y'obutakkiriza, obutali butukuvu, obwonoonyi, obukyayi, era n'okufa okw'olubeerera mu mulembe guno ogw'ekkanisa omwonoonyi era ogw'amagezi. Kaakano mu kifunye? Mu ennakku zino, ng'ensi yonna ya bannaddiini! Ekyo mubadde mu kimanyi? Ng'ensi yonna ya bannaddiini. Era mu mulembe gwa bannaddiini, amakkanisa amanene mu buli sonda; na byonna, ekintu kyonna kikomekerereza mu kusinza Setaani. Kiikino wano, wano wennyini mu Baibuli. Ekyo kituufu. Era mu seminariyo zino ez'amagezi, eziyigiriza eby'amaddiini ezifulumya omuntu ow'amagezi ng'aatendekedwa engeri y'okwogeramu, engeri y'okukolamu, engeri y'okukwaatamu enneewulira zaabwe; era n'ebintu byonna ng'amagezi ga Sayansi ag'obwongo, emyaka esatu oba ena, okumanya engeri y'okukwasaganyamu obwongo bw'omuntu. Laba, kiri. . .

Omwoyo wa Katonda si ky'ekintu, ggwe kye bakusomesa. Ky'ekintu ekyateekewateekebwa mu ggwe, n'omukono gwa Katonda Omuyinza w'ebintu byonna. Obumanyirivu bwo tebusobola kusomesebwa ova kuteendekebwa. Kyateekewateekebwa, n'omukono gwa Katonda era n'ebyo Katonda bye Yamanya edda, mu ggwe. Ekyo kituufu.

54 Kaakano, kyaleetawo Adeni eno ey'amaanyi gye babeeramu kaakano, ekkisa ya Adeni y'ensi. Bonna kaakati bali mu kwegata wamu mu kakiiko akagatta amadiini, era bagenda kugatta amakkanisa g'ensi yonna wansi w'omutwe gumu, Setaani w'agenda okuteebwa ku ntebbe, bw'ekityo kyennyini.

Era okuyita okusembayo kuli mu kukolebwa, okukwata Omugole nga tebinnaba kumuyingiramu. Kubanga bw'omala okiyingiramu, ova omaze okufuna akabonero k'ensolo, era ng'ozikiridde, tali kifulumamu. Eyo yensonga, njamba nti, "Mukifulumemu, Ai mmwe abantu bange," nga tekinnagenda mu ye, okiraba. "Mukifulumemu, era mwewayawule."

55 Kaakano, obukyayi n'okufa, era n'okwawukana okuva ku Katonda, mu Adeni eno; okwaka, obugwagwa, okukyusibwa, (batya?) ng'osiga ensigo enkyamu.

Kinzikiza okwolesebwa kwe nnalaba bwe nnali sinnasisinkana abantu Abapentekoote, eby'omusajja oyo agenda yeetooloola ensi, ng'ali mu byeru. Mu mpulidde nga nkyogerako emirundi mingi. Era nga waliwo amuvaako ennyuma, ng'agenda asiga ensigo ez'obutakwatagana.

Naye yakiwangula mu bwenkanya mu Kaawa . . . mu lusuku lwa Adeni, Iw'okwaka kwa Kaawa eri ekibi; okwaka kwa Kaawa eri ekibi. Awo, Kaawa bw'aba yayaka olw'okumanya, kyali kibi.

Era bwe twaka olw'okumanya, nga twagala Ph. D, LL.D., kuba kwonona okukola ekyo. Ekigambo ekyo kya maanyi, naye ago ge Mazima, yadde ky'amaanyi kyenkanawa, mukirabe nga kisigala ge Mazima. Okwaka olw'amagezi, olw'okutegeera!

Ensonga yaakyo eri nti, olwa leero tetugezaako kunyweza Kigambo kya Katonda mu mutima gw'omuntu. Tuli mu kugezaako kwenyweza. Amakanisa gali mu kugezaako kunyweza mu njigiriza ya kkanisa mu mitima gy'abantu.

Twalagirwa kunyweza Kigambo kya Katonda. Pawulo yagamba nti "Ssajja gye muli na bigambo by'abantu ebisendasenda, nti okukkiriza kwammwe kwesigame ku magezi g'abantu, naye nnajja gye muli mu maanyi; ne mukulabisibwa kw'Omwoyo Omutukuvu, nti okukkiriza kwammwe kuwummulire mu Katonda." Ky'ekyo.

56 Omuntu tolina kwenyweza wekka. Tukisanga mu. . . leka Katonda abeeko ky'Akolera omuntu era amutume. Osanga nga buli muntu agezaako okukigingirira. Mulababa, nga bw'agezaako okwenyweza. Buli muntu, "Nnakozze kino. Nze, nze, kyange, ekibiina kyange eky'eddiini, nze, kino," nga benyweza. Kiki kye tubuulirako, ffe oba Obwakabaka bwa Katonda?

Nyweza Ekigambo kya Katonda. Ggyawo obutakkiriza era onyweze Obwakabaka bwa Katonda mu mutima gw'omuntu. Era Obwakabaka bwa Katonda tebusobola kunywezebwa mu mutima gwa muntu okuggyako nga Katonda Yamukola bw'atyo. Tasobola kunywezebwa mu. . .

Era, mujjukire, akatundu ak'obulimba, nti abantu balowooza nti ekyo kituufu. Olaba. "Waliwo ekkubo erirabika nga ttuufu eri omuntu." Buli kitonde eky'amagezi kirabika nga kituufu.

57 Nga bwe nnabagamba Sande ntonno eziyise; bwe nnali nnyimiridde ku luuyi Iw'omwana wange nga afa, era Setaani ng'ayimiridde awo era n'agamba nti, "kitaawo, yafiira mu mikono gyo ekiro ekyayita. Ne mukyala wo agalamidde eyo muggwanika, kati era n'omwana wo agenda. Era wamusaba akwanukule naye n'asika . . . n'asika n'akuteekako ekisiikirize. Kaakati, kyoka ate ye Katonda omulungi, kyokka ate wagamba nti muwonya. Era gwe, oyimiridde olw'ekyo kye wayogedde nti kye kituufu, oli mukyamu." Oo, buli nsonga, buli kitundu eky'obwongo kyali kirina okukikkiriza nti kyali kituufu; era yali mutuufu, obwenkanidde awo.

Bw'atyo bwe yali omutuufu bwe yagamba Kaawa, "Amaaso go gajja kubikkuka, era ojja kwawula ekituufu ku kikyamu. Era ojja kuba nga bakatonda, mu ngeri eyo, okumanya ekituufu ku kikyamu," kubanga Katonda tannabaleka kweraba, nti bali bwereere. N'olwekyo baamanya nti bajja kumanya ekituufu okuva ku kikyamu; era yali mutuufu. Naye, okiraba kyali kikontana n'Ekigambo kya Katonda.

58 Era bwe batyo n'abawereza mu ziseminaaliyo, nga bayiga enjigiriza y'amaddiini eya kolebwa abantu; kiyinza okulabika nga kituufu, kuyinza okuba nga kutegeera kulungi okw'ekintu naye kikyamu.

Tetulina ku kitegeera. Tukikkiriza kubanga Katonda bwe Yakyogera, era ekyo kimala emirembe gyonna. Ekintu kyonna, eyo y'engeri eyo kukikkirizaamu.

Oo, engeri Kaawa gye yayaka okufuna Ph.D., olaba, engeri gye yayaka okuba omugezi ennyo okusinga bwe yali!

59 Weetegereze engeri gye kifaanaganamu ennyo, omusajja ne mukyala we. . . kaakano wetegereze, omwami n'omukyala, bombi nga bali bwereere mu lusuku lwa Adeni, Adeni ya Katonda.

Kaakano njenda kuggalawo. Nagambye nti njenda kuba nammwe eddakiika ntono. Laba, weetegereze kaakano, nga njenda kuggalawo.

Geraageranya kino kaakati, engeri omusajja oyo era ne mukazi we bwe baafaanagana, bombi mu Adeni ya Katonda, nga tewali n'omu ayambadde ngoye, ate nga tebakimanyi. Naye Iwaki baali tebakimanyi? Kubanga baali babikiddwa eri obussimu bwabwe obw'okuba obwereere, nga babikidwaako eggigi ettukuvu, ely'Omwoyo Omutukuvu. Baali nga beetunuulira, nga tebakimanyi nti bali bwereere. Baali babikidwaako n'Omwoyo Omutukuvu, ow'obutukuvu. Baali babikidwaako.

60 Ekibikkako kya Katonda, kyokka leero, basobola okutunula naye ne bataaka. Bakyusa emitwe gyabwe. Eryo ggigi Etukkuvu, mulaba ggigi Etukkuvu. Katonda Yalina amaaso gaabwe. . . bombi baali, omu yali musajja ate omulala yali mukazi, naye bali tebakimanyi nti bali bwereere, kubanga obutukuvu bwa Katonda bwakuma amaaso gaabwe nga gabikiddwa. Weetegereze, Katonda bwe Yakweka enteggeera yaabwe okuva eri ekibi, ng'akozesa eggigi Ettukuvu.

Kale singa tubadde n'obudde okusigalako ku ekyo okumala eddakiika ntonoko. Mutunule wano, "Kubanga ye, omusinza bw'amala okuwawagulibwa," Abaebulaniya, "omusinza kasita aba

ng'awawaguliddwa, aba takyalina nneewulira ya kibi nate." Ekibi kiba kimuvuddeko.

61 Nnawulidde ow'Oluganda Neville ng'agamba, amakya ga leero; omuntu omu ayinza okuba yabadde amubuuza Iwaki ssaabuulidde ku Mwoyo Omutukuvu, Iwaki ssaakoze kino. Kiri bweke. Omwoyo Omutukuvu kye kikolwa mu ggwe. Bwe bulamu, si nneewulira; si kika kya bukakafu bwa mubiri. Naye muntu, Yesu Kristo, Ekigambo kya Katonda nga kinywezeddwa mu mutima gwo, okwaniriza buli Kigambo eky'omulembe guno. Kituufu. Laba Omwoyo Omutukuvu ng'Akola, si mu kulabisibwa nnyo; wabula mu bikolwa, na kiki ky'Akola okusinziira ku Kigambo.

62 Weetegereze kaakano Omwoyo Omutukuvu, ow'Ekigambo kya Katonda, yalina omusajja n'omukazi nga bali bwereere, naye nga tebakimanyi. Nga kirungi, Obulamu obw'Ekigambo; ensigo, Ekigambo!

Katonda yagamba nti, "Waliwo omuti mu masekkati g'ennimiro, omukazi. Era masekkati g'ennimiro we wali omuti guno; temugeza yadde kugukwatako. Kubanga, olunaku lwe muligulyako, olunaku olwo mulifa." Baali babikiddwaako n'obutukuvu okuva gye gul, nga tebalina kye bagumanyiiko, nga tebasobola kwetantala kugukwatako.

Baali babikiddwaako eggigi Ettukuvu. Baaliko obukuumi mu kubeerawo kwa Katonda. baali balamu. Aleeruya! Baalina okwagalana okutuukiridde, obulamu obutuukiridde emirembé gyonna. Baalina okwagala okutuukiridde, okutegeera okutuukiridde okw'okwagala kwa Katonda. baalina Ekigambo kya Katonda, era ne bakikuuma. Era baali balamu nga baliko obukuumi mu Adeni ya Katonda, nga tewali kufa wonna.

63 Awo, Setaani n'aleetera Kaawa okuwuliriza enjiri ye ey'eddiini, enjiri ey'okumanya, okusoma okwa waggulu ennyo, empissa eza waggulu ennyo, obugunjufu obusingawo, okuteendekebwa okwa waggulu, era n'ebirala; awo bwe yamuyimiriza era n'amuwuliriza okumala eddakiika, entegeera ye (eyo gye tulagibwa okusuula), bwe yamuleetera okumuwliriza.

"Kaakano, mutunule wano, ekkanisa eri bw'eti ne bw'eti. Enywezeddwa okumala ebbanga ddene. Ffe gamu ku makanisa agasinga obukadde mu ggwanga lino. Mmeeya w'omu kibuga gy'asabira." Laba nga sifaayo kiki kye kiri. Bwe kiba nga kiwakana n'Ekigambo kya Katonda, naawe kiwakanye. Oyo mulabe wo. Ekintu kyonna ekiwakana n'Ekigambo kya Katonda kibeera mulabe wo.

Buli ekiri ku lw'Ekigambo kya Katonda kibeera muganda wo. Kibeera kitundu ku ggwe.

64 Mwetegereze, yeggyako eggigi Ettukuvu, okulaba ebikolwa eby'okwegatta kiki kye byali; geraageranya ekyo, kiki okwaka mazima kye kusobola okukola. Ne yeeggyako eggigi okuva ku maaso ge, ekintu ekitukuvu Katonda kye yali Atadde ku maaso ge. Yali ayagala kumanya, okumanya kiki kye kyali kitegeezza; n'olwekyo n'aggyawo eggigi okulaba bwe kyali kifaanana. Yawuliriza Setaani, era labayo ekifo we kyamuteeka.

Bakozze ekintu ky'ekimu mu buli mulembe oggwaddako, buli kiseera okutwala oludda lw'amagezi; era kaakano bazimbye obwakabaka bwa Setaani, okumanya, ensigo ye gye yasiga, era efudde ensi okubeera olusuku lw'okufa.

65 Kaakati weetegereze. Kaakano tunuulira Okubikkulirwa 3, omulembe ggw'Ekkanisa ya Lawodikiya. Gwe kirowoozeeko mu birowoozo byo.

Kaakati weetegereze. Ye, Kaawa, ye nnaabagereka wa Setaani. Laba, Setaani, omusota, gwatuuka eri Kaawa nga Adamu tannaba kumutuukako. Olaba? Ekyo kituufu. Kati n'olwekyo laba ne gumusendasenda; awo nno Setaani, omusota ye yali omwami wa Kaawa nga Adamu tannaba kumumanya. Mulabe bwe yamusendasenda. Baibuli egamba nti yakikola, era n'akimannya nti yali bwereere, awo. Mukiraba?

66 Kaakati tunuulira Ekkanisa y'Omulembe gwa Lawodikiya. Ye, Kaawa atudde nga nnaabagereka wa Setaani. "Mugagga mu bintu by'ensi; muzibe, ali bwereere nate, ate takimanyi," nga bwe kyali mu lusuku Iwa Katonda. naye kaakano, sikubanga eggigi Etukuvu liri ku maaso ge, wabula eggigi ly'okwaka. Ekyo, yeggyako eggigi lya Katonda Ettukuvu, era ne yeeteekako eggigi ly'okumanya, ery'okwaka. Era kaakano aliko eggigi ery'okwaka, anti ye, "muzibe" gye kiri kubanga kibi. Ali "Bwereere" ku nguudo, "kyokka takimanyi." Malaaya ku luguudo. Abakazi abambadde empale, mu maaso ga Katonda, abeera malaaya, "naye nga takimanyi."

67 Weetegereze, katugeze abakyala baffe. Kaakati, bw'oba oyagala okulaba embeera ekkanisa gy'erimu, tunuulira engeri abakazi gye beeyisaamu. Bulijjo omukazi akiikirira kkanisa. Mu lusuku Iwa Setaani, olw'ekibi n'obutakkiriza, okukyusibwa kw'eddiini; obwakabaka obwawabizwa. Mu kifo ky'okutwala Ekigambo kya Katonda, batutte okuyiga kw'amagezi okw'abantu. Era bali mu kukireeta wansi w'omutwe gmu ogw'amaanyi.

68 Kaakati weetegereze, bakyamizibwa okuva mu butamanya. Kaakati kino tokisubwa. Ekkanisa ebaddenga n'eggigi lino ery'okwaka. Wekkaanye kye ligikkoze. Lyagikyamya okuva mu butamanya okudda

eri okumanya. Okiraba? Eggigi ettukuvu, yali talina ky'amanyi; kikwatagana na ggigi lya kwaka, kwe kumanya. Amayi nti kisanyusa. Laba ng'amanyi kiki kye kikola. Kibala, omuti ogwegombewwa, okufuula omuntu omugezi. Mukiraba? Yakyamizibwa okuva mu butamanya n'afuna okumanya, okuva mu butukuvu okudda mu bugwagwa era n'okwaka, era okuva mu bulamu okudda eri okufa.

Obwakabaka buno bulina okufa. Obwakabaka buno bujja kufa! Katonda we Ggulu Ajja kubusaanyaawo okuva ku maaso g'ensi.

69 Weekkenneenye mu kuwabbizibwa kuno, kuvudde eri omusajja okudda eri omukazi, era n'okuva eri omukazi okudda eri omusajja, "kyokka tebakimanyi." Ekintu ekirungi ekiva mu lusuku Iwa Setaani, singa osobola okutunula ku nguudo olwa leero, eri abantu baffe ab'omulembe.

70 Weetegereze, yali Kaawa Setaani gwe yakozesa okuleetera Adamu okwonoona ng'ayita mu maanyi ge ag'okwaka. Ne kaakano ky'ekimu, akola ekintu ky'ekimu ne leero. Weetegereze, enviiri ensale, obweenyi obusiige ne langi, okwambala okw'ekikaba, mulaba nga bw'akola ekyo, naye nga takimanyi nti ebintu ebyo byonna bikontana n'Ekigambo kya Katonda. okusalako enviiri ze, kimufuula omukazi atassibwamu kitiiuba, malaaya. Okwambala empale, kimufuula eyeetyoboola. Okwambala engoye ez'ekikaba, kimufuula malaaya. "kyokka nga takimanyi," si Iwa butuukirivu bwa Katonda; kubanga okwaka kwa Setaani. Kwe kwamuleetera. . . aleetera Adamu we okumwakira ko.

71 Yeeyambulamu engoye Katonda ze yamwambaza, eyo mu lusuku Adeni, olw'olugendo lwe okuyita mu ddungu. Yaziggyamu. Ne yeeyambula. Ng'ate, Katonda yali yamuzinga yenna mu maliba; n'atandika okubeerako kye yeggyako, kaakano azzeeyo gye yali mu lubereberye.

Kaakati aleetedde Adamu we okwambala engoye ze ez'omunda. Omusajja okwambala obwo obupale obukadde obwekitiitiizi, era n'atambula wano, sirowooza nti oyo aba musajja ekimala. Ye mutiitiizi asingayo obunene gwe nnali ntegedde. Olaba? Mulaba, aleetedde Adamu we okukyuka okweyisa nga ye, mulabeeyo ng'ayambala engoye ze ezo munda. Yalaba kye yali asobola wabweru eyo bwe yeggyaako engoye ze zonna ng'oggyeeko ez'omunda. Ezo ze z'omunda. Ezo ze mpale. Mazima, ezo ze ngoye ze ez'omunda, era kaakati Adamu we zaali mu kwambala. Ng'okusinziira ku Kigambo kya Katonda, "Kyamuzizo omukazi okwambala ebyambalo eby'omusajja, era n'omusajja okwambala eby'omukazi," okuva mu Kigambo nnakabala. Kirowoozeeko!

72 Kaakano, naye ayambala enviiri eziga mu maaso. N'azisanirira nga zigwa wansi, n'aziteekamu amayengo. Ebimu ku bintu ebirwaza bye nnali ndabye mu bulamu bwange, be bamu ku abo abaana abato ebweru eyo leero n'enviiri eziga mu maaso nga bazisaniridde wansi bw'eziti, era nga zirimu langi, enviiri ezikyusiddwa langi, ne biragalalagala, era ne bakyusa enviiri zaabwe, nga baziteekamu amayengo, nga zigwa mu maaso. Mmwe batitiizi abanene! Ekyo kintu kya ntiisa okwogera okuva ku kituuti, naye omusango gutandikira mu nnyumba ya Katonda. n'okumanya tomanyi oba oli musajja oba mukazi. Era kye mmayi nti amagye gaffe aga United States gagenda kuddamu okufuluma nga gambadde mpale nyimpi. Ekyo kituufu. Olaba okukyusibwa kye kuli? Ezo ngoye za bakazi; okwambala enviiri eziga mu maaso.

73 Olunaku luli nnali eyo, ewa Howard Johnson; atali ono wano, naye oli mu kubo agenda wabweru. Era nnatudde awo nga nneewuunya. Wano omulenzi omuto n'ajja, ng'ayasamye. Era ng'alina enviiri enzirugavu, ng'azisaniridde mu ngeri bw'eti; n'ateekamu akuma akazikwata, era n'aziteekamu amayengo okwetooloola, waggulu wa maaso ge; ng'atunudde waggulu wa maaso ge, ng'atambulatambula awo. Bwe mba nnali ndabye ku kukyusibwa! Ng'amulab nga tasobola ku kikkiriza. Ng'alina kumala kukakasa nti musajja, naye mu mwoyo gwe yali mukazi. Nga tamanyi ludda ki olw'ennyumba Iwagwako. Ekyo kituufu. Nga kwonooneka!

Ekyo Setaani ky'akola. Ayonoona eggwanga. Ayonoona ekkanisa. Ayonoona abantu. Ye mulimba, oyo akyusa amazima agaddala.

Katonda Yakola omusajja nga musajja. N'akola omukazi nga mukazi. Era bona n'Abanbaza mu ngeri yanjawulo. Era yali ayagala basigale bwe batyo era beeyise bwe batyo; omu nga yeeyisa kikazi, omulala kisajja. Yayawula Adamu mu lusuku Adeni, era Yakola kino n'Ayawula Kaawa ku ye.

74 Kaakano ayambala enviiri ezimubikka amaaso; asala enviiri ng'omusajja, era omusajja naye agezaako okwambala ezize nga ez'omukazi. Okiraba? Omukazi ayambala engoye z'omusajja eza *wabweru, era n'omusajja n'ayambala ez'omukazi ez'omunda. Kaakano, ekyo kiwulikikanga eky'okuvvoola, naye sikitegeeza mu ngeri eyo. Y'enjiri ey'amazima ag'enkomeledde. Bw'oba tokimanyi, awo oliko ekikyamu; oli muzibe oba tobeerangako ku nguudo. Era omukazi alowooza n'omusajja alowooza nti ekyo kituufu, balina awamu we bagenda. Omukazi agamba nti, "Kale, nga kirungi nnyo!"

Nnamukadde Omuyindi omutuuze ali ebweru eyo ajja kukuleetera okuswala wekka. Gye bakoma okufuna ebbugumu, gye bakoma okwambala engoye endala, okwegobako omusana; Oo, muleetere okutuuyana, osobole okubeera n'empewo ennungi nga bw'atambula. Okiraba? Bayimiriira wabweeru mu musana.

75 Tolina kyoyinza kugumikiriza; ojja kuzimba era oyake. Naye, laba ekyo mmwe kye muyita obuyigirize ebwa waggulu. Sayansi ali ku mulembe aleese kino. Oo, abaffe! Wuuyo awo, "ali bwereere," mu Lawodikiya, "kyokka takimanyi."

Yali bwereere mu Adeni. Olaba obwakabaka bwombi we bufaanagana? Obumu bwa kibi na kufa; obulala bwa bulamu na butukuvu. Munda eyo yali abikiddwaako eggigi ettukuvu. Bombi baali bwereere; naye baali tebakimanyi. Baali tebalina kye bakimanyiiko, kubanga baali babikiddwaako n'Omwoyo wa Katonda.

Era wano babikiddwaako eggigi ly'okwaka, era beetunuulira oku. . . mulabe, Adamu ng'asobola okutunuulira Kaawa, naye nga tamanyi nti ali bwereere. Wabula n'eggigi lino ly'okwaka, takitegeera nti ali bwereere, naye akikolera wansi wa ggigi lino ery'okwaka okuleetera omusajja okumutunuulira. Ky'ekintu kyokka ky'asobola okukikolera. Temukikkiriza, wabula ate mukikola mu ngeri yonna, era omusajja n'atunula. Musajja wattu n'akizuula nga mussikiriza nnyo, okutuusa bw'betegereza era n'atandika okwambala ezimu ku ngoye zammwe.

76 Oo, nga kuwabizibwa! Nga mulembe! Nga tuli mu biseera. . . nga gujjuppe obulimba! Oo, ebintu bino byonna, "kyokka tebakimanyi," omwoyo omwonoonefu guli mu musajja. Abikiddwaako okuva eri okwaka kwa Setaani, era n'omukazi bwali, naye. Ggwe mwoyo gwa setaani ogwe kitundu ekinene. Okiraba. Tebakimanyi, naye ba kibiina. Abakazi abambadde empale, bba mu kibiina. Omusajja ayambadde bwaaty, bba mu kibiina. Ngeenda kubawa ekigambo ekiffuunze ekya kyo, B.S.S., Big Sister Society, kati ekyo kyebagwaamu. Jangu wabweeru eyo, ekitundu kya bavubuka ba namyeekozo, abambadde obuppale obutono obukadde, ebintu ebinene ebikadde, ebilabika obubi, ebikyaafu nze. . .

77 Abasajja, kaakati mmwe muyinza okwawukana nange mu kino, naye ago ge mazima. Mukyamiziddwa kyokka ate temukimanyi. Temukyali, temukyeyisa ng'abasajja nate. Mulabe bwe mufuuse abagonvu ennyo; ne, batabaani bammwe, nabo bajja kuba tebalina kye bali gye bali wadde; abaami n'abakyala. Bafuuka b'awamu. Ekyo kibiina. Lwaki? "Yokaana, abeera ku mulirwano, ayambala empale ennyimpi, nange lwaki sizambala? Luella yali ayagala nzambale kubanga ne Yokaana azambala, mulirwana we. Era, kale, oba Susie Jane asobola okuzambala, kitegeeza ne Mariza Jane asobola okuzambala, oba Susie Lou," oba yenna omulala erinnya lyonna. Mulabe, b'awamu. Kibiina. Oli omu ku bo mu mwoyo, kyokka tokimanyi.

78 Era bwe kiba nga bwe kiri kityo, nga naffe tukiraba bwe tutyo, kaakati awo mwazibibwa amaaso. Mwazibibwa eri ebibiina bino Setaani by'akyusizzakyusizza n'abibateekamu. Era okwo kukyusa Kigambo kya Katonda ekyasooka, era n'obwakabaka bwe, era n'enteekateeka ye eri abaana be. Setaani akyusizzakyusizza abasajja n'abakazi n'abayingizaamu ebintu bino, kyokka ate tebakimanyi. Bawabiziddwa!

Takyali mwana wa Katonda! Enviiri zireebeetera mu maaso ge, ng'ayambadde ebinu, ng'atambula ku nguudo; omwana wa Katonda, Omudiikoni mu kkanisa, omusumba mu kituuti? Nedda, oyo si mwana wa Katonda. teyayitira mu kasengejja ka Katonda ak'okulowooza. Yandibaddde tayambala ngoye ezo ez'abakazi; mazima teyandizambadde; newankubadde omukazi okwambala ez'abasajja. Mulabe ng'oyo si mwana wa Katonda. Oyo mwana wa Setaani, era muwala wa Setaani. Kintu kigumu okwogera!

79 Setaani awangudde mu kukyamya era no kuwamba ensi eno, era n'okugifuula obwakaba bwe; omuntu w'atekebwa, okwesalirawo, okweroderawo ekika ky'obulamu bw'ayaayaanira. Era ekyo kiraga ekiri mu mutima gwo. Olaba? Eddoboozi lyo. . . omanyi ki? Ebikolwa byo bireekaana nnyo, bibuutikira eddoboozi lyo. Uh-huh!

Leka njende eri omusajja. Era njogere nti, "Oo, fenna tuli Bakristaayo. Tulina ekkanisa yaffe." Ng'ebintu byabamansula byetoolodde mu ofiisi ye? Haah! Tekyandikozu njawulo ku kyeyajambye, nnanditegedde ekisingawo; era naawe bw'otyo.

Leka omukazi agambe nti Mukristaayo, ng'alina enviiri enyimpi? Huh-uh! Omanyi, ekisinga ku ekyo okiraba. Yee, ssebo. Muleke agambe nti Mukristaayo, nga yeesiize birangi n'ebiyokwewunda kw'amaaso, n'ebinu, era agambe nti Mukristaayo? Mu manyi okusinga ku ekyo. Ekigambo kya Katonda kikusomesa okusinga ku ekyo. Ekigambo kigamba nti tasobola kukola ekyo ate n'abeera Omukristaayo. Abeera tassibwamu kitiibwa, era n'ebirala. Katonda agenda kuteeka atya ekintu ekitaweebwa kitibwa mu Bwakabaka Bwe? Nedda, ssebo. Bo bennyini, balaga okuyaayaana kwabwe.

80 Tosobola kusanga jjuba nga liryu ne kamunye, tekisoboka. Ejjuba teririina kalulwe. Terisobola kulya ennyama eyo enkadde. Singa kamunye ajirumako, eba ejja ku littu, era nalyo likimanyi. Naye kamunye asobola okulya buli ky'ayagala. Mukiraba? Alina akalulwe kangi.

N'olwekyo okizuula nti, bwe kityo bwe kiri n'ensi leero, ekintu ky'ekimu, "Bali bwereere, bazibe b'amaaso, kyokka nga tebakimanyi."

81 Setaani yakikola n'okwaka kw'omukazi olw'okumanya, ebikolwa eby'okwegatta, nga ye yabysesalirawo

mu kusalawo kwe yennyini. Kaakati weetegereze, yali Kaawa eyatwala Adamu mu kusobya, era yali mukazi ye yasooka okwewayambalamu engoye ze nga Adamu we tannaba kweyambalamu zize. Mulaba? Yali mukazi, bulijjo. Bulijjo bwe kibaddenga. Era bwe kikyali bwe kityo.

Ekkanisa y'ewabya omuntu. mulabeeyo Ekkanisa, y'ekulembera omusajja abadde ayagala okubeera mutabani wa Katonda. Abeera mukazi, Ekkanisa so si Baibuli, Katonda, kubanga Baibuli muntu. Oo, yee, "Ekigambo kyafuuka omubiri," era yali musajja. Mukiraba? Baibuli musajja; Ekkanisa mukazi. Mukiraba? So si kkanisa ye. . . Baibuli nti y'ekyamya omuntu. Ekkanisa yeemubuza. omusajja ekkanisa gye yagenda nayo, so si Baibuli. Mulaba? Nedda, mazima. Baibuli emugamba nti ali bwereere. Yee, ssebo.

Kaakati weetegereze engeri, okuyita mu bikolwa eby'okwegatta, okuyaayaanira ebikolwa eby'okwegatta, ya yaka olw'okumanya, okumanya kiki kino kye kyali, era kaakano, oba ekibala kino kyali kirungi oba nedda. Naye era n'akikola.

82 Katonda olunaku lumu Ajja kugizzaayo, newankubadde, okuyita mu musajja. Yawebwayo omukazi. Naye yanunulibwa n'omusajja; omusajja, Yesu Kristo, ng'oyo kye Kigambo.

Era kati awo kye ki? Weekkaanye, nga mmaliriza. Wano ssi bbanga ddene eriyise, nnayogera ekigambo kino. Nkyalinawo empapula nnya oba ttaano endala munda eyo, naye nze. . . ez'Ebyawandiikibwa era n'ebintu bye njagadde okusongako. Naye, muwulirize. Leka tuggalewo, okwogera ku kino.

83 Jjukira, wano ebbanga ssi ddene emabega, nnali mbasomesa ku Makondeere Omusanvu, *Embaga ya Makondeere*, era n'ebirala. Era ne njamba nti, "Waliwo okujaguza okw'olunaku olw'omunaana." N'olwekyo, olunaku olw'omusaanvu Iwe lujja okusembayo, ekyo ky'ekijja okuba Emyaka Olukumi. Wabula waliyo omukolo ogw'olunaku olw'omunaana; bwe luba nga waaliyo olw'omunaana, era waliwo ennaku musanvu zokka, ng'ekyo kirufula olunaku olw'olubereberyre nate, okukomawo ku lunaku olusooka. Awo, oluvannyuma Iw'Emyaka Olukumi nga giwedde, awo waja kubeerawo Adeni eteekeddwaawo nate. Obwakabaka bwa Katonda obw'amaanyi bujja komezebwawo. Kubanga, Yesu Yalulwanira ne Setaani, mu lusuku olwa Gezusemaane, era n'Alununula; olwo, Iwe Yaddayo okuteekateeka mu Ggulu, Akomewo nate okuva waggulu mu Ggulu. Yagamba nti, "Omutima gyammwe tegweraliikiriranga."

84 Bwe yali wanno kunsi, yagamba nti, "Mmwe, Bayudaaya mmwe, mukiririza mu Katonda. Kaakano, mmanyi nga nfunye erinnya ebbi," bwe Yagamba. "Era bagamba nti Ndi *kino*, na *kiri*. Naye mukkiririzza mu Katonda; era nga bwe mukkiririza mu Katonda, nange munzikkiririzeemu." Ye yali Katonda, alabisiddwa. Mulaba? "Nange munzikkiririzeemu. . ."

85 "Mu nnyumba ya Kitange mulimu mangi. . ." oba, "Mu byenfuna bya Kitange, mu nteekateeka za Kitange, mulimu embiri nnyingi. njenda okubateekerateekera ekifo." Labayo obuwanyu bwakyo, mmayiro lukumi mu bitaano! Gamba, wa gyekiri? Agenze okukiteekateeka. Ye Mutonzi. Ye Yatonda zzaabu yenna. Enguudo za ndabirwamu. Ye Mutoonzi. Ali mu kukola ku kifo. Eyo mu Kubikkulirwa 21 yagamba nti, "Nze Yokaana nnalaba ekibuga ekitukuvu, Yerusaalemi ekiggya, nga kikka okuva mu Ggulu ewa Katonda."

"Waali tewakyaliwo nnyanja nate; eggulu eryasooka n'ensi eyasooka nga bivuddewo." Eggulu lyaffe eryasooka lye liriwa? Gy'emyaka Olukumi. Ensi eyasooka y'eriwa? Y'eno. Ejja kuddaabirizibwa. Era nga bwe yabatizibwa Nuuwa, mu nnaku z'okubuulira kwe; yatukuzibwa Kristo, bwe Yagimaansirako Omusaayi Gwe; awo n'eddaabululwa, okugiggyako obuwuka era n'ebirala byonna ne bigivaako, mu kuddaabirizibwa ku nkomerero, n'okubatizibwa kw'omuliro ogujja okutta buli kawuka, buli nddwadde, buli kirwadde, buli bugwagwa obwali bubadde ku nsi.

86 Ejja kutulika, era eveemu ensi empya, "Era ne ndaba Eggulu eriggya n'ensi empya. Eggulu eryasooka, n'ensi eno eyasooka, nga tebikyaliwo nate; era nga tewakyali nnyanja nate. Era nze Yokaana ne ndaba era laba ekibuga ekitukuvu, Yerusaalemi ekiggya, nga kikka okuva mu Ggulu." Eyo Katonda gy'Ajja okuba ng'Ali n'Embala ze entuufu, batabani be ne bawala be, gy'Asabolera okukunjaana nabo mu butukuvu, amaaso gaabwe nga gazibiddwa eri ekibi kyonna. Eyo tewaliddamu kubeerayo kibi nate.

Leka tufube nnyo; temulimbibwa mu nnaku zino, naye, "mufube okuyingira mu Wankaaki eyo."

"Abo bona abnaasigala be benzi, n'abo abaaka." "Buli atunuulira omukazi okumwegomba, ng'amaze okumwendako." Bonna abajja okubeera wabweru bajja kubeera bakazi abeeyonoona, n'abasajja abeyonoona, n'abalala.

Era abo bokka abanunulibwa, nga bali mu Kitabo ky'Omwana ggw'ediga eky'Obulamu, be banaayingira mu Wankaaki. N'olwekyo mufube, ab'emikwano; temulimbibwa mu ennaku zino.

87 Bino ebiseera by'amaanyi. Buli muntu alina ssente. Buli muntu asobola okukola kino, era buli muntu asobola okukola kiri, era ssente zikulukuta buli wantu, n'emmotoka ennene, era na buli kimu. Tewajja kuba muntu yenna ku abo mu kibuga. Tewajja kubeerayo mmotoka yadde emu, yadde ennyonyi. Nedda. Bujja kuba bugunjufu bwa kikka kirala. Bujja kuba bugunjufu obutali bw'amagezi, oba Sayansi, wabula

bwa butabaako musango, era n'okukkiririza mu Katonda omulamu.

Leka tufube okuyingira mu ekyo. Kubanga ekyo ky'ekigendererwa kyange, olunaku olumu okuyingira mu kibuga ekyo; era nejjukanye, mujje mugende nange, mbalabe mwenna nga tukumba, nga tuyimba, "Abatukuvu nga bayingira bakumba." Njagala kubeera mu abo Abatukuvu bwe baliba bakumba okuyingira.

Leka tusabe.

88 Kitaffe ow'omu Ggulu Omwagalwa, ng'ennaku bwe ziggwaayo, era tukiraba ng'ekisuubizo kisembera. Tusaba, ow'Omukwano Katonda, ekyo Okiteeke ku mitima gyaffe, tuleme obutakola nsobi. Ai Katonda, kuuma enneewulira yaffe nga nnongoofu. Mukama kuuma emitima gyaffe nga gibikiddwaako n'Eggigi, amaaso gaffe nga gabikiddwaako okuva eri ebintu by'ensi, n'ebintu ebitaliimu eby'ensi, ekitiibwa ekitaliimu okufuuka omuntu omu omunene.

Sinsonga banene kwenkana ki, bakabaka bona, obwakabaka bwonna, Bannakyemalira, n'abalala bona na buli kimu birina okusaanawo, era tebijja kuzuukira mu kuzuukira okusooka. Kubanga Kyawandiikibwa, "Wamukisa ate mutukuvu oyo alina omugabo mu kuzuukira okusooka, eri oyo okufa okw'okubiri tekumulinaako buyinza." Oh Katonda! "okufa okw'okubiri," okufa okw'omwoyo, "tekumulinaako buyinza"; yanunulibwa!

89 Ai Katonda, okulowooza nti olumu ku esaawa zino, omu ajja kuba agenda kukyalira munne, awo akwakkulibwe waggulu. "Babiri mu buliri; otwale omu, oleke omulala. Babiri mu nnimiro; otwale omu, omulala omuleke."

Ai Katonda, tuyambe okubeera abalongoofu mu maaso go, Mukama, sinsonga abantu batulowoozaako ki, kiki abantu abalala kye boogera. Mukama, leka obutukuvu bwaffe. . . emboozi zaffe zibeere ntukuvu. Leka zibeere nga zikwatagana n'Ekgambo kya Katonda; nga bikwatagana, Mukama, waleme kubaawo obubi busangibwa mu ffe. Nga bwe twegayirira, mu nsobi zaffe, nti Omusaayi gwa Yesu Kristo kujja kuyimirira wakati waffe ne Katonda, nti Ajja kututunuulira wansi gye tuli okuyita mu Musaayi gwa Yesu; so si ku butuukirivu bwaffe, oba kiki kye tuli, biki bye tukoze, wabula ku bulungi bwe bwokka. Katonda, kikkirize!

90 Leka waleme kubeera n'omu ku bano abatudde wano olwa leero anaawulira Obubaka, waleme kubeerawo n'omu anaabula, okuva ku muto okutuuka ku asingayo obukulu. Leka okuyaayaana kwabwe okutukuvu kubeere eri Katonda yekka n'Ekgambo Kye. Tetumanyi ssaawa Mwanalabikira, oba Mwanaatuyitira okwanukula waggulu eyo ku musango. Tetumanyi ssaawa ki Mwayinza, wabula nga bwe kyali, okutoola kaadi yaffe okuva ku katandaalo, tugambe nti, "Kaseera ka kudda eka. olina okugenda." Katonda, tuyambe tubeere balongoofu. Kituwe, Mukama.

Leka tubeere balamu okutuusa Okwa Mukama, bwe kiba kisoboka. Leka tukole kyonna ekiri mu maanyi gaffe, mu kwagala era n'okutegeera, okutegeera nti Katonda ali mukunoonya mu nsi, olwa leero, okuzuula buli ndiga eyabula. Era leka twogere nabo n'essaala ey'ekiseera ey'okwagala era n'Ekgambo kya Katonda olwo tusobole okuzuula oyo eyabula, tusobole okuddayo eka, Mukama era tuve mu luno olusuku lwa Setaani wano olukadde.

91 Luno lwonna olwazimbibwa ku kwaka, n'abakyala abalungi, nga bwe babayita muni, awamu n'obulango bwabwe eyo, "Tulanga, era twagala abalenzi bajje n'obwagazi bungi mu maaso gaabwe, era n'abawala abalungi abambadde ebinu," ebiri ku leediyi zaffe era ne ku telefayina; na buli kika kya buggwagwa n'ebikyafu, ne Holly wood; buli kika ky'ebiteeteeyi eby'obukaba, ebikyafu, eby'obuggwagwa. Era n'abasajja abaakyamizibwa nga bambala engoye z'abakazi era n'okusala enviiri zaabwe nga ez'abakazi; era n'abakazi ng'abasajja.

Ai Katonda, nga kaseera ka katyabaga ke tulimu! Oo, jjangu, Mukama Yesu, tulongoose n'Omusaayi Gwo. Twala obuggwagwa bwonna n'obuyaye obituggyeko. Leka tubeerewo, Mukama, leka tubeere wansi w'Omusaayi, buli kaseera, mu maaso go. Okwo kwe kuyaayaana kw'emitima gyaffe, era n'okwegayirira kwaffe okw'obwesimbu.

92 Katonda Ow'omukwano, ku kit. . . oba ku ntebbe ezo, leero, Enjiri kwebadde eteereddwa. Mukama, wano waliwo obutambaala era n'amabaasa agagenda eri abalwadde- era n'abanyigirizibwa. Mukama, leka essaala ey'okukkiriza, eggwe okuva mu mitima gyaffe kaakano, mu maaso go. Awo, Mukama, bwe wabeerawo ekintu kyonna ekitali kirongoofu mu ffe, Mukama, twala. . . tutwale eri omusango kaakano; era twegayirira okusaasirwa. Tubikkulire kye tuli mu kukola mu bukyamu, Mukama, tusobole okusaba, otwale Omusaayi era Otulongoose. Wonya abantu bano abalwadde era batereeze, Kitaffe, buli gye bunaagenda, yonna gye bunaalaga. Leka kibeere bwe kityo, taata.

93 Tuwe obumanyirivu okuweereza, era Ggwe wekka. Kituwe, Mukama.

Wa obukuumi abantu bano abagalwa abagenda okuddayo mu maka gaabwe.

Webale olw'engeri gy'Owonyezzaamu abantu. Era ne mutabani wa Mwanyinaffe Shepherd n'Owoluganda Shepherd, eyalumiziddwa ku kagaali, nsaba nti waleme kuberawo bubi bujja mu ekyo; omulenzi omuto ng'avuga akagaali ke, nsaba nti abeere bulungi. Tukwebaza olw'okuwonya abantu bano abalala be tusabidde. "Era tukimanyi nti ekkyo kye tusaba, tukifuna, kubanga tulina obuvumu mu Oyo Eyakola ekisuubizo."

Mukama tuwe ku kisa Kyo, era Otusonyiwe ebyonoono byaffe, tukisabye mu Linnya Iya Yesu Kristo. Amiina.

94 Mu mwagala? Mu mukkiriza? Oli mulwadde ng'okooye n'obwakabaka bwa Setaani? Okkiriza nti tugenda mu Bufuzi obw'emyaka Olukumi, Obufuzi Bwe; Obubwe Ye; Adeni Ye?

Mu kkiriza nti etondeddwu olwa leero? Mulabe, buli kintu kyonna kisinziira ku ntegeera y'amagezi. Byonna, na buli kimu, birina kusooka kukakasibwa ne Sayansi okubikkiriza.

Kyokka ate tosobola kukakasa Katonda na Sayansi. Olina okumukkiriza na kukkiriza, "Kubanga oyo ajja eri Katonda alina okukkiriza nti waali era ye mugabi w'empeera eri abo abamunoonya n'obunyinkivu."

Ai Katonda, sirina kye njagala kumanya okuggyako Omusaayi gwa Yesu Kristo ogunaaza okuva mu kibi. Sirina kye mmanyi okuggyako Yesu. Era nga Pawulo ow'edda bwe yagamba, nange bwenjamba leero, "Sirina kye mmanyi mu mmwe, okuggyako Yesu Kristo, era Ye Yakomererwa."

95 Ky'ekyo kyokka kye mmanyi okubabuulira. Nti, Baibuli eno, ngikkiriza n'omutima gwange gwonna (bwe mba nga mmanyi omutima gwange), okubeera Ekigambo kya Katonda ekituukiridde nga si kijaabulukufu. Mbeerawo ku lwa kino. Nnyimirira lwa kino. Era singa nnalina omutwalo gw'Obulamu, nnandiwaddeyo buli katundu kaabwo olw'Ekigambo kino. Kubanga ky'Ekigambo kya Yesu Kristo. Era sifaayo bagezaako kyenkana wa okukiwakanya, oba Sayansi yenkana wa agezaako okugamba nti tekeyesigika, era n'ebirala byonna. Gye ndi, ky'ekintu kyokka mu nsi kye nsobola okwesiga, ky'Ekigambo. Ye wange. Mmwagala. Temumwagala? [Ekibiina kigamba, "Amiina." - Omuk.]

96 Bwe waba nga waliwo ekibi mu mutima gwo, bw ewaba nga waliwo ensobi mu mutima gwo, bw'oba ng'olina ekintu kyonna, saba kaakano era ogambe Katonda akusonyiwe. Nange mu nsabire; nja kubasabira. Katonda abawe omukisa, kwe kusaba kwange.

Okutuusa lwe tulisisinkana! Okutuusa lwetuli sisinkana!

Katonda abeere naawe okutuusa lwe tulisisinkana!

Mwagalana? [Ekibiina kigamba, "Amiina." - Omuk.] Yokaana yagamba nti, "abaana abato, mwagalenganeng." "Mwagalane, kubanga okwagala kubika ku bibi bingi." Kaakano tusikaganeko mu mikono fekka na fekka.

Katonda abeere nammwe okutuusa lwe tulisisinkana!

Okutuusa lwe tulisisinkana! Okutuusa lwe...

Kaakati, mubeere ba kisa mwekka na mwekka. Mubeere ba kisa eri banammwe. Yisa bulungi muliraanwawo. Weekuumo nga toliiko bbala okutuusa Yesu Iw'Alijja.

. . . bigere;

Okutuusa lwe tulisisinkana! Okutuusa lwe tulisisinkana!

Katonda abeere namwe okutuusa lwe tulisisinkana!

97 Mu mwagala? [Ekibiina kigamba, "Amiina." - Omuk.] Eyo y'essaala yange. Munsabire; nja kubasabira. Nnina okuddayo mu Tucson kaakati. Era nsaba nti Katonda abawe omukisa mwenna. njenda kuva eyo njende e Canada, era nkomewo mu Colorado; nneetooloole, nneetooloole, nneetooloole, ndowooza okiraba. Okutuusa. . . ? . .

Ow'oluganda Tony ali eyo, era ekintu eky'amaanyi kibaddewo. Eyo mu Vatican, e Ruumi, bampita olw'okudda obuggyga, olukunjaana, njendeyo era tubeere n'okudda obuggyga mu Ruumi, e Ruumi. Yaakakomawo. Abantu bona bali wamu. Balina ekisaawe eky'amaanyi eyo, kituza emitwalo n'emitwalo, era baagala njendeyo olw'okudda obuggyga. Baagala okulaba ekitiibwa kya Mukama mu nkunjaana. Simanyi. Nnina okukisabira, ndabe Mukama ky'Ananjamba. Oo, abange! Mujukire, tusabe, fenna wamu. Tuli mu kukola . . .

Tutunula olw'okudda kw'Omulokozi waffe ow'Omukisa,

Labayo, era wetegereze amakoola g'omutiini kaakano gafuuse ga kiragala;

Enjiri y'Obwakabaka Bwe egenze mu buli ggwanga;

Era tusemberedde enkomerero, kisobola okulabibwa.

Si bwe kiri? [Ekibiina kigamba "Amiina." - Omuk.]

Awo mu ssanyu tujja kuyinba Obubaka obw'okulabisibwa Kwe okuweereddwa Omukisa,

Essaawa yonna Ajja mu Kitiibwa, okubuulira omu ne bonna;

Kati mugolokoke, mmwe abatukuvu ba Mukama, Iwaki musumagira ng'ate enkomerero esembedde,

Leka twetegeke olw'okuyitibwa okusembayo.

98 Ajja kukyukira ebugwanjjuba era avuge Akomewo nate, olumu ku nnaku zino, mujukire bujjukizi. Mazima Ajja. Era ekyo kituufu. Okutuusa ku olwo:

Twalanga erinnya lya Yesu,

Ayi omuntu ow'ennaku; era n'ebizibu

Lnaakuwa essanyu n'okukubeera,

Litwale yonna gy'ogenda

Erinnya, lya Yesu! Nga ddungi!

Ssuubi lya nsi era ssanyu lye ggulu.

Erinnya, lya Yesu! Nga ddungi!

Ssuubi lya nsi era ssanyu lye ggulu.

Nga tuvvunnamira erinnya lya Yesu

Tulifukaamirira, wansi ku bigere bye

Kabaka wa bakabaka mu Ggulu tuli mutikkire Engule

Olugendo Iwaffe nga luwedde

Erinnya, lya Yesu! Nga ddungi!

Ssuubi lya nsi era ssanyu lye ggulu.

Erinnya, lya Yesu! Nga ddungi!

Ssuubi lya nsi era ssanyu lye ggulu.

99 Kaakano, mu kitundu kino ekisembayo, leka tukiyimbe n'emitima egivunnamye kaakati.

Weesige erinnya lya Yesu,

Ebyambika bwe bijja,

N'okukemebwa nga kuzze, (bino ebintu eby'obwakabaka bwa Setaani, okiraba,)

Lyogere mu kusaba.

K'yekyo kyokka; kati awo mugende. Kikola. Nze nkigezezzaako. Kikkirize bukkiriza kaakano, kubanga kijja kukola. Gwe ssa bussa erinnya lye mu kusaba.

. . . erinnya lya Yesu,

Ebyambika bwe bijja,

N'okukemebwa nga kuzze, (kiki ky'okola?)

Lyogere mu kusaba. (eggigi lijja kujja ku maaso go nate.)

Erinnya, lya Yesu!

Lireeta essanyu ku nsi;

Erinnya, lya Yesu!

Lyagalibwa mu ggulu.

Leka tukoteke mitwe gyaffe kaakano, nga bwe nsaba ow'Oluganda Beeler emabega eyo ajje wano ku

kituuti.

[ow'Oluganda Branham n'atandika okuwuuna *Twalanga erinnya lya Yesu - Muk.*] Lyogere mu kusaba.

Tusiibule ow'Oluganda Beeler. Tusiibule n'essaala.

Erinnya, lya Yesu!

Lireeta essanyu ku nsi;

Erinnya, lya Yesu!

Lyagalibwa mu Ggulu.

100 Kaakano nga tukotese emitwe era n'emimitima gyaffe. Ow'oluganda Beeler, omu ku be tukolagana nabo wano, ow'Oluganda Estle Beeler, ow'Oluganda Omukuristaayo omwesiimbu. njenda ku musaba bw'aba anaasiibula ekibiina, olwa leero, mu ssaala. Katonda akuwe omukisa, ow'Oluganda Beeler.



www.messagehub.info

Byabuulirwa

William Marrion Branham

"...mu nnaku z'eddoboozi..." Kub. 10:7